

ወፍድ ጀብህት ሽዕብየት፡ ዲብ ወዕለ ቻይነ ሻርክ



እብ መስኡል ሸኡን እቅትሳድ አሰይድ ሐጎስ ገብረሂወት ለልትመረሕ ልኡክ ጀብህት ሽዕብየት እግል ዲሞቅራሲያዊት ወዕዳለት (ጀሽዲዐ)፡ ምን 30 ኖቨምበር አስክ 3 ዲሴምበር 2017 ዲብ ቤጂን ዲብላ ገብአ ወዕለ “ህድግ ሕዝብ ሹዲ ቻይነ ምስል አሕዛብ ስያሰት እዲን” ሻርክ።

ዲብ እሊ “መስኡልየት አሕዛብ ስያሰት፡ ዲብ ወቀይ ሕበር ዲብ ብንዩት ምስተቅበል ሕበር ናይ እግል ወድ አዳም ለሒሰት ዐለም” እበ ትብል ስቅራት እብ ሕዝብ ሹዲ ቻይነ ለትዝመ እድንያይ ወዕለ፡ ምን 120 ደውለት ለመጽአው እግል 300 አሕዛብ ስያሰት ለወከለው ዝያድ 600 ሚርሐት አሕዛብ እዲን ወወካይል ሻርክው።

መስኡል ሸኡን እቅትሳድ ጀሽዲዐ አሰይድ ሐጎስ ገብረሂወት፡ “ተጃርብ ወዐገል ኤረትርየ ድድ ፈሳድ” ሐንቴለ ልብል አርእስ እግል ሙእተመሪን ዲብላ ቀደመየ መሓደረት ፋይሐት፡ ፈሳድ እግል ቃራት ሕክማት ወተናዚም ስያሰት ለዳይስ ሕማም መብቅያይ፡ አሕዛብ ስያሰት ምን ገቢሎም ምን ከርም አግደ ዓምል ክምቱ ሐቆለ ወደሐ፡ ፈሳድ አሸካል ብዙሕ እንዴ ለብስ እብ ስቱር ለለአስሕብብ ክምቱ ወደሐ።

ፈሳድ እግል ወጠኒያይ ደሚር ወመቅደረት ሕክማት ክምስል ለትሐውን ወእግለ ሐሰ ስያሰት እት ፍዕል እግል ለውዕል ክምስል ለሐይሉ ለሸርሐ አሰይድ ሐጎስ ፈሳድ ሰበብ ናይለ እድንያይ

መታክል ወተሐድያት፡ ክምስል ከረ ኢቃትናይ ዐደዮት አዳም ወሰላዲ ላቶም ወራታት ጀራይም ክም ገብእ እብ ፋይሕ ወደሐ።

ንዳል ድድ ፈሳድ፡ ልሰዕ እንዴ ኢለስሐብብ እግል መዳፈዐቱ ምን ገብእ ንዳል ወመትአያስ ምን ለአነብት ለሐሰት ፍገራት ክምስል ተህሌ እሉ እንዴ አሸረ ህዩ፡ ጀሽዲዐ ወሕኩመት ኤረትርየ - አማነት ናይለ አርወሐቶም እንዴ ሀበው እግል ሽዕብ ኤረትርየ እስትቅላል ለአምጽአው ወስያደት ለአድመነው ፍራስ እግል ኢልጠለም፡ እተ ሐልፈየ 26 ሰነት እስትቅላል እግል ፈሳድ እብ ክሉ ጀዋንቡ ወእብ ክሉ ደረጃቱ ልትሓርቡ ክምስል ጸንሐው ወደሐ።

ሕክማት ኤረትርየ ለተሌተ

ስያሰት “ባሕ ከህላት እግል ፈሳድ”፡ ሳፊ፡ ነዲፍ ወብቆዕ መአሰሳት ወሽቃለ እንዴ በኔት፡ ለለአደሚዕ ተዕቢኣት እት ወዴ ዋዴሕ ቀዋኒን ትጃረት እት ትተበዕ፡ ሳብት ማልያይ መስኡልየት ለረፊዕ መአሰሳት እንዴ በኔት፡ ክምስልሁመ እግሉ ለትገብእ ፍንቲት ጀህት እንዴ ከወነት፡ ፈሳድ እት ዶሉ እግል ዳፈያት ወክምስል ሳደፈ ህዩ ቃትናይት ምስዳር እግል ንስኣት ለለአቀድር ቃትናይ አዋይን እንዴ ወጀደት ትሸቄ ክምስል ህሌት ለሐበረ አሰይድ ሐጎስ፡ ፈሳድ እብ ዓዳት ሽዕብ ኤረትርየ ዲብ ወክድ ንዳል ተሕሪር አሳሰ ለከረ ቅየምመ እብይ ወኢፍቱይ ሰበት ቱ፡ እሊ ዓዳት ወሰዋልፍ እሊ እግል ሕፍዘት ወረበዮት ፋይሕ ወራታት ክምስል ገብእ ሸርሐ።

እምበል እሊ አሰይድ ሐጎስ፡ ምስል ለትፈናተው ሰብ ሰልጠት ሕዝብ ሹዲ ቻይነ እንዴ ትዋጀህ ዲብ ጠወርት ዕላቃት ጀሽዲዐ ወሕዝብ ሹዲ ቻይነ፡ መትሰዳዳይ እቅትሳድ ኤረትርየ ወቻይነ፡ ክምስልሁመ ናይ መንጠቀት ቅደይ ሀድገ።

እብ አሳሰ እሊ፡ ምስል ናይበት ወዘር ቅስም እድንያይ ዕላቃት ቻይነ ሹ ልዩፒንግ ዲብላ ገብአት መዋጀህት፡ ጀሽዲዐ ወሕዝብ ሹዲ

ቻይነ ታሪክ ወቅየም ክምስል መልኮ እንዴ አሸረ፡ ለፍንጌ ጀሽዲዐ ወሕዝብ ሹዲ ቻይነ ወክልኢትን ሕክማት ለህሌት እስትራተጂያይት ዕላቀት ክሉ ለከሰስ መትዓዋን፡ ምን ወክድ ዲብ ወክድ ዲብ ፋይሕ ወልደቀብ ገይስ ክምስል ህለ ሐበረ።

ሚስ ሹ ልዩፒንግ እብ ጀህት፡ ቻይነ ምስል ኤረትርየ ለህሌት እለ ዕላቀት እግል ተአደቅብ ክምስል ተሐዜ እንዴ ሐበረት፡ ቻይነ እግል ናይ መንጠቀት ሰላም ወመስኩብት፡ ምስል ኤረትርየ እብ ሕበር እግል ትሸቄ ዱሊት ክምተ እንዴ ሸርሐት፡ ፍንጌ ሕዝብ ሹዲ ቻይነ ወጀሽዲዐ ዕላቀት ድቅብት እግል ተህሌ ክምስል ትጸገም አፍህመት።

አሚን ዓም ልጅነት መርከዘየት ሕዝብ ሹዲ ቻይነ - ርኢስ ሺ ጂንፒንግ እግል ሙእተመሪን ዲብላ ቀደመየ ከሊመት መክሰቱ፡ አሕዛብ ስያሰት እዲነ፡ እግል ብንዩት ናይ ሕበር ምስተቅበል ወድ አዳም ወለሐሰት እዲነ፡ ለትመቅረሐ ጸገም እግል ሊደው ሐቆለ ትፋነ፡ ዐዱ እግል እድንያይ ሰላም፡ መስኩብት ወዐቦት ለተአገድዩ ዶር ወለትወድዩ ተዓውን ክምስል ተአደቅቡ ወተአዘይዱ አክደ።

አሰመረ፡ ማሕበር ጎማት ውዛረት ዐመል

ውዛረት ዐመል ወራዐዮት እጅትማዕየት፡ ሙጅተማዕ ለአሳሱ መትደጋግ ቀደም ብቅት፡ እግል ልትደቀብ ለአመመ ማሕበር ጎማት፡ ዲብ ዮም 4 ዲሴምበር እት አሰመረ ትሰርገላ።

እተ ናይ ሐቱ አምዕል ማሕበር-ጎማት፡ ሐካም አቃሊም፡ ወካይል ውዛራት፡ ወብዕድ ጅሃት እተክምስልሁመ ሰብ መቅደረት ሻርክው።

ወዚረት ዐመል ወራዐዮት እጅትማዕየት አሰይደ ልኡል ገብረኣብ ዲብ አሰምዐተ ከሊመት፡ ሽዕብ ወሕኩመት ኤረትርየ አሰባብ ወመሻክል ብቅት እንዴ ዳፍዐው አርወሐት እግል ለአንግፎ ወአርዛቅ እግል ልተድብሮ ከድም ከም ጸንሐው እንዴ ሐበረት፡ ማዕየ ለአሳሰ ሰዳይት እግል ትደቀብ ለትሰርገላ

ወራታት ለተአትናይት ፍገራት ከም ትረክበት ምኑ አፍህመት።

“ብቅት መለሀይ ወድ አዳምተ ምን ልትበህል አትራዛቅ ኢኮን” እንዴ ትቤ ወዚረት ልኡል፡ አዳም ለለአመጽኦ ትግባእ ወናይ ጠቢዐት ብቅት፡ ለትሰብቡ ፈነ፡ ምስክነ፡ ወመትሸዐታር እጅትማዕየት ቀሊል ከም ኢኮን እንዴ ሐበረት፡ ዲብ አቃሊም ቅብለት ወግብለት በሐር ቀያሕ እበ ገብአት ድራሰት፡ ለጸንሐ ፈሀም ወመዳሊት እብ ዕልማይ መትደጋግ ቀደም ብቅት ለትተለ እግል ልግባእ፡ እግል ትሳድፍ ለትቀድር ብቅት ወክም ሳደፈት እግል ልትነሰእ ለወጅብ ምስዳራት እግል ልትአመር፡ መሻክል እግል ልንቀሰ ፈሀም አደቀቦት ወናይ ዳፍያት መቅደረት አተረዶት እቱ

ገበይ ለለሀይብ ክምቱ ሸርሐት።

እተ ማሕበር-ጎማት፡ ኣብነት ብቅት ጠቢዐት በሐር ወምድር ዲብ ኤረትርየ፡ ብቅት ወሙጅተማዕ፡ ወናይ ሐርሱ ብቅት ሓለት ጀው ወድዋር ዲብ ልብል አርእስ ተውድሕ እብ ሰብ መቅደረት ልትህዩብ እት ሀላ፡ ዲብ አቃሊም ቅብለት ወግብለት

በሐር ቀየሕ ብቅት እርዕደይ ምድር ውበርካን እግል ተህሌ ሰበት ትቀድር፡ መደረቱ እግል ትውሐድ ምን ቀዳሙ እግል ልትከደም እቱ መትፋቀዲ ትቀደመ።

ግንራራብ በሐር ምን ክሰሐ ዳፍያት አህምየቱ ዐባይ ሰበት ቱ፡ ዲብ ትትኬለም ትመጽእ ለህሌት

ግማመት ፕላስቲክ መሻክለ እንዴ ኢዘይድ እግል ትትከራዕ ከም ወጅብ ተሐበረ።

እት ደንገበ መሸተርከት፡ መዓወነት አሳሰ ዐውቱ ሰበት ቱ፡ ክለን ለከሰስን ጅሃት ሕበር እግል ልሸቀዩ፡ ዲብ ግንራራብ በሐር ለነብር ሽዕብ ህዩ መትደጋግ እግል ሊዴ ትፋነው።



ዙለ፡ መሻረከት አንሳት እት ተዕሊም እግል ትዕቤ መትፋቀዲ ቀርብ

እት እዳረት ደዋዩሕ ዙለ ምዴርየት ፎር፡ መሻረከት አንሰት እት 2ይት ደረጃት እግል ዓበዮት፡ ሙጅተማዕ ወመአሰሳት ሕክማት ወጅብህት እብ መቅርሕ እግል

ልሸቀው፡ ሙዲር መድረሰት ዐዳላት ሙደርስ ኢብራሂም ዑመር መሐመድ ትላክ።

ሙደርስ ኢብራሂም፡ እግል ኤሪን እተ ሀበዩ ሐብሬ፡ እት

ሰነት ድራሰት 2017/2018 እት መአንብታይት ወምግባይት 104 አዋልድ አንሳት ለብእቶም 315 ደረሰ እት ድራሰት ሸርኮ ክም ህለው እት ለሐብር፡ መሻረከት አንሰት ምን ሰነት ዲብ ሰነት

ትዘይድ እት ህሌት፡ እት 2ይት ደረጃት ላኪን ዝያድ ጅህድ ከም ለአትሐዜ ሐበረ።

ደረሰ እተ ሀበዎ ረኢይ፡ መዳርስ እት ከርስ ዐደም ምን ትበነ እሉም ድራሰቶም እብ

ዋጅብ እግል ልታብዖ ክም ሰድዮም እት ሸረሐ፡ መትጃግረት እግል ልግብእ መክተበት እግል ትትፈተሕ እግሎም፡ ከምስልሁመ መድረሰቶም አትሳናይ እግል ልግበእ እለ ትፋነው።

ዒድ መውሉድ አነቢ አ'ሸሪፍ ተዐዩደ

ዒድ መውሉድ አነቢ አ'ሸሪፍ፡ የም 30 ኖቨምበር እት ክለ ለዐድ እብ ነደረት ተዐዩደ።

እት አስመራ- መስጅድ አልኹለፋእ አልራሽዲን እት ገአ እሕትፋል፡ ሓክም አቅሊም ምግብ ሚጀር ጀግራል ረመዳን ዑስማን አውልደይ፡ ውቁላም ሰብ-ሰልጠት ሕክመት ወጅብህት፡ ሚርሐት ደያናት፡ ሱፈረእ ወእብ አላፍ ለልትዐለቦ መስልሚን ሹሩካም ዐለው።

መመቅረሳይ ሸቁል ሙፍቲ ኤርትራዊ ሼኽ ሳልም ኢብራሂም አልሙኽታር እት አስመዐዩ ከሊመት፡ እግል ክሎም መስልሚን አሰናይ እትሊ ዒድ ሕሹም ኡብጸሐኒ” ሐቆለ ቤለው፡ ታሪክ

እትየት ዲን እሰላም እት ኤረትርዩ ወእግለ ሰልፋዮም ‘ሰሓቦት’ እብ በሐር ነጋሽ ለገአ ከብቱ ወለ ተሀዩበ ደማን እብ ተፋሲል ወደሐው።

እት ኤርትራዊ አክለ ገዲም ላቱ ዲን እሰላም፡ መንበር እሰላም ወክሰታን’መ ገዲመት ተ ለቤለው ሼኽ ሳልም፡ መስተዕምረት ወአባዮም እሊ ምን ዘበን ቅዱም ለትረብ ሰዋልፍ እግል ልሐምርጎ ወለትካፍኦ ለወድወ ዋይዲባት እብ ፈዛዐት ድቅብ፡ ወሕደት ወእስትሸሃድ ሸዕብ ክም ፈሸለ እት ለሐብር፡ እለ ዐውል ሕፍዘትው ምን ዐውል አክዶተ ለኢልደሀር ሰላም ወመስከብት፡ እብ ዋጅብ እግል ትትሐፈዝ ወደማን እግል ትርከብ፡ እብ ወሕደት እግል

ንክደም ክም ወጅብ፡ መሳልሕ ሸዐብ ወአሀዳፋ እግል ልትሐፈዝ ህዬ፡ ሚርሐት ደያናት ደርም እግል ለአዚዶ አትፋቀደው።

ኤረትርዩ፡ ምን ተጠሩፍ ሐር እንዴ ገአት፡ ክሉ ደያናት እብ ሕበር፡ ወሕደት ወመቅርሕ ለክብር እት ዐድ ምን ገአት፡ ምን ትትሐበን እብ ለለክሸንን ዓዳተ ክምቱ ለሸርሐው ሼኽ ሳልም፡ ምን ኻርጅ ለለክቱ ተጠሩፍ እት ዐድነ አካን ወእርደት ክም አለቡ አፍህመው።

ርኢስ መጅልስ አውቃፍ መዲነት አስመረ አሰይድ መሐመድ-ሰዒድ በሸር እብ ተረቶም፡ ኸልፍየት፡ ታሪክ ወመዕነት ናይለ ዒድ እበ ኸሰስ ተውዴሕ ሐቆለ ቀደመው።



ለዕለት መውሉድ አነቢ እበ አር እንክር ንግደት ሕዳር ጸን ህዬ እበ ብዕድ እንክር ልትዐዩድ ሰበት ህለ ክልኤ በዓል ክምቱ እንዴ ዘክረው

ንዮቶም ሰኔት ሸርሐው። ለመናሰበት፡ መሻይኹ፡ ደረሰ ወሙደርሲን እበ ቀደመው አናሺድ ወሙዳሕ ናይረት ዐለት።

ዐዳገ-ሐሙስ፡ እስብ-ዳልዮት መዐዩ ትሰኔ



እብ ሐድ 17ሚልዮን ነቅፈ ቁረፍ ሐዳደስ ለትወሰክ እት ወአሳሲ አትሳናይ ለገብእ እግለ እት መዲነት አስመረ ለህሌት እስብ-ዳልዮት መዐዩ ዐዳገ-ሐሙስ እግል ክድመት ዱሊት ህሌት።

ወዚረት ዓፍየት አሚን ኑርሕሴን፡ ሓክም አቅሊም ምግብ ሚጀር ጀግራል ረመዳን ዑስማን አውልደይ፡ ቃእድ ሀይኦት አርካን ወሳረት ድፋዕ ጀግራል ፍሊጸስ ወልደዮውሃንሴ ወብዕዳም ሰብ-ሰልጠት ዲበ ሐደረወ እት የም 2 ዲሰምበር ለገብአት ዓዲት፡ ሰክርቴር ጀብህት ሸዐብየት እግል ዲሙቅራዊየት ወዐዳለት ለእስብ-ዳልዮት እንዴ ደሐረ



መሻረከት ክል ዕዱ መጅተመዕ ክም አሳሰ እንዴ ወዴት ትሸቁ ወለ ተአትናይት ፍገሪት ትረከብ ክምህሌት ሸርሐት።

ቀድየት ምስኩናም፡ ቀድየት ሸዐብ ክምተ ሐቆ አግረሰ፡ እት ፈተ

እድንደይት አምዕል ምስኩናም ትዘክር

ሰለስ ዲሰምበር እድንደይት አምዕል ምስኩናም፡ “ምስኩናም አርወሐቶም እግል ልቅደር እብ ሰይይት መዐዩ ነአደቅቦም” እት ሐንቲለ ትብል ሰቅራት እብ ደረጃት ወጠን እት የም 2 ዲሰምበር እት መዲነት አስመረ ቃዕት መርከዝ መዐዩ አኽርዮ እብ ነደረት ትዘክረት።

እት ውቁላም ሰብ-ሰልጠት ሕክመት ወጅብህት ለሐድረው እት መናሰበት ወዚረት ዐመል ወደማንት እጅትማዕየት አሰይደ ልኡል ገብረኣብ፡ ምስክን እግል ለገአ ልግበእ ነፈር እት ለገአ ወቅት እብ ለትፈናተ አሰብብ እግል ልሳድፍ ለቀድር ክምቱ እት ሸርሐ፡ ሕክመት ኤረትርዩ እግል ምስኩናም ለትሳወ አብክት እግል ተአዋፍሕ እትለ ትወደዮ ጅህድ፡



መሻረከት ክል ዕዱ መጅተመዕ ክም አሳሰ እንዴ ወዴት ትሸቁ ወለ ተአትናይት ፍገሪት ትረከብ ክምህሌት ሸርሐት።

ቀድየት ምስኩናም፡ ቀድየት ሸዐብ ክምተ ሐቆ አግረሰ፡ እት ፈተ

እፈትርዮ፡ ጸሐፊ

ክል አርቡዕ ለትጠብዕ ጀሪደት

መዳልደይ፡
መሐመድ እድሪስ መሐመድ
ናይብ መዳልደይ፡
አድም ሳልሕ (አቡሐሪሽ)
ለይ-አውት፡
ፋጥና አደም
ዘህረ ዐሊ
ተለፎን፡ 121797
ፋክስ፡ 127749፡ ዕ.ሰ.ቡ፡ 247
ተውዝዕ ጀሪደት፡
ተለፎን፡ 200454
አትአመሮት፡
ተለፎን፡ 125013፡ ዕ.ሰ.ቡ፡ 1284

ሐጋት፡ ወዕለ ልጅነት ፈተኛ ሸባባት ገብእ

እት አቅሊም ዐንሰበ ሙዲርየት ሐጋት፡ ወዕለ ልጅነት ፈተኛ ሸባባት እት የም 27 ኖቨምበር ትሰርገለ።

ሙዲረት ሙዲርየት ሐጋት አሰይደ አምነ ሓጅ ዑስማን እት አስመዐተ ከሊመት፡ ፈዛዐት ወመቅደረት ሸባባት እግል ትወቀል ጅህድ ገብእ ክም ዐለ ዲብ ትሸፊሕ፡ እሊ እግል ልደቀብ ልጅነት ፈተኛ ሸባባት ዋጅብ ዶረ እግል ተአግዴ አትፋቀደት።

ርኢስት ልጅነት ፈተኛ ሸባባት አሰይደ መከ ዑመር እት ቀደመቱ ናይ ክልኤ ሰነት ተቅሪር፡ እግል ሸባባት ለኸሰሰ በራምጅ እግል ትሰርግል ምንመ ቀድረት፡ ነዋቅስመ ክም ዐለ እቱ እት ተሐብር፡ እት ሙስተቅበል እብ ዝያድ መትዛም እግል ልትክደም ክምቱ ሸርሐት።

ሙሸተርከት ለወራታት፡ ለወጅህ ወመትዛም ሸባባት ለለአደምን እት

ሐጋት፡ ወዕለ ልጅነት ፈተኛ ሸባባት ገብእ

እት አቅሊም ዐንሰበ ሙዲርየት ሐጋት፡ ወዕለ ልጅነት ፈተኛ ሸባባት እት የም 27 ኖቨምበር ትሰርገለ።

ሙዲረት ሙዲርየት ሐጋት አሰይደ አምነ ሓጅ ዑስማን እት አስመዐተ ከሊመት፡ ፈዛዐት ወመቅደረት ሸባባት እግል ትወቀል ጅህድ ገብእ ክም ዐለ ዲብ ትሸፊሕ፡ እሊ እግል ልደቀብ ልጅነት ፈተኛ ሸባባት ዋጅብ ዶረ እግል ተአግዴ አትፋቀደት።

ርኢስት ልጅነት ፈተኛ ሸባባት አሰይደ መከ ዑመር እት ቀደመቱ ናይ ክልኤ ሰነት ተቅሪር፡ እግል ሸባባት ለኸሰሰ በራምጅ እግል ትሰርግል ምንመ ቀድረት፡ ነዋቅስመ ክም ዐለ እቱ እት ተሐብር፡ እት ሙስተቅበል እብ ዝያድ መትዛም እግል ልትክደም ክምቱ ሸርሐት።

ሙሸተርከት ለወራታት፡ ለወጅህ ወመትዛም ሸባባት ለለአደምን እት

ሐጋት፡ ወዕለ ልጅነት ፈተኛ ሸባባት ገብእ

እንቱ ክም ረክበዉ እት ለሐብር፡ ልጅነት ፈተኛ ሸባባት ዝያድ እግል ትትክምክም ሐዋን ለህለ ጅግረ ርደደት ለለሐሰሴ እቱ መጃል እግል ልትኸለቅ፡ ሸባባት ምህናት ወዕልም ለረክቦ እቱ መርከዝ እግል ልትበኔ ለልብል አራእ ወፊናታት ሓለፈው።

መስኡል መሕበር ወጠን ሸባባብ ወደረሰ ኤረትርዩ አቅሊም ዐንሰበ ሻብ አዛዚ በረኸት እት አስመዐዩ ከሊመት፡ ሸባባትለ ሙዲርየት አርዛቅ ድዋራቶም እንዴ ፈረገው እግል ልትነፈፈ እብ ወምስል ብዕዳም መስል ሰኔ ላቶም ሸባን ሙዲርዮት ተጃርብ እግል ልትባደሎ እት ለአትፋቅድ፡ ልጅነት ፈተኛ ሸባባት እግል ትደቀብ ንዮቱ ሰኔት ሸርሐ።

እት ደንጎብ፡ 21 ለአንፋረ ልጅነት ፈተኛ ሸባባት ሐዳስ ተሐፈት።





እባነት ሻም

ዲብ ድግም ነባሪ በሀል ለተንከበት ቅሰት ሰብ ድጌ በራሪት - ዐድ-ራኪ ለላሊ ለሀ ክስ-ከስ ልብል ምኑ ነፈር ይወለድ። እምበላ ጭሪቅ-ብሪቅ ናይላ ዲብ ቀበትለ እብ እንክር ድማኑ ወድገለቡ ለትረከብ ድበዕ ለዐለየ ሰረይር ሕስ ልቡለ ይወለት። ዲብ ቀበትለ ትክ-አኑን ጽልመት ከዋክብ ቅሎ-ተበቦ እት መስል እግለ ዐስተር ግልቡብ ዲብ እንቱ ልትርኤ። ሰብዐት እብ እንክር ቅብለት እንዴ አድሮረው “መርኢትነ እት ኬር” ልብሎ ህለው መስሎ ዐለው። እትሊ ወቅት እሊ እግል ሰብ ድጌ በራሪት አርዌሕ ለትበልሰ ዲቡ። “አላሁ አክበር! አላሁ አክበር! አልሰላቱ ኸይሩን መን አልናም!” ለትብል ክርን መኣዘን ትሰምዐት። እለ ዶል እለ ክል-ነፈር ከእብ እንክሩ እንዴ ሐሰሱ። “እስታቅፍር አለ፣ አለ ሁመ አሐዶነ በዐዳመ አማተነ ወኢሊይሂ አልንሹር።” እንዴ ቤለ እግል ሰላት አሰቦሕ ቀንጸ። አርሄት ክርንላ እዛን ክምሰል ሰምዐት ምን ምስካብ ፍርግጽ እንዴ ወዴት። እት ክባብ ለዐለት በግርየት እግል ተሀርሰ ድማኑ ወድገለብ ዲብ ቀበትለ ጽልመት ዐንበዳበደት። ለበግርየት ሰበት ኢረክበተ። ድማን ወድገለብ እንዴ ተማትም እብ ሐንቴለ እት መጦረ ሳክባም ለዐለው አጀኒተ ሐዘተ። ሰበት ኢረክበተ ህዩ ሸንክትለ እንክርለ ረዐዳብ እንዴ ተማትም እዴህ ዲብ ሰንዐት ጨጋሪት ከፊተ። ገርብ ሸዐሊለት ዐርገቱ ወእግለ ሰንዐት ኢረዴተ። ለበግርየት ክምሰል ሐግለት ምነ ዐርቀይ ዲብ ምድር እንዴ ትከፊት። እግለ ድግልት ለዐለት እሳት ሓዩት። እያድ እንዴ ነስኦት ህዩ ቀበትለ ዐርቀይ አትናወረት። ለባድየት ምነ ዐለት በግርየት ህዩ ዲብ ሐንቴለ ክባብ ርኤተ። ምነ ትውጭ ለብል ለዐለ እያድ ለሐሰ ሕርያን ሰበት ረክበት እግለ በግርየት እንዴ ነስኦት ዲብ ዐርቀይ እብ ተማሙ ምን ሐዲስ አትናወረት። አርሄት እብ አመተ ኢተአመረት ለበግርየት ምን እዴህ ወድቀት። ገርብ እብ ድንጋጽ በራይድ ገብኦ ወሀንደገት ልብ ምን ምእት ወለዐል ትፊተት። እብ እለ ርኤት ሓጀት እግል ትእመን ኢቀድረት፣ ውሰዋስ እግል ኢልግበእ ሰበት ፈርሀት “እስታቅፍሩሉ፣ አዑዝብላሂ መን አሸይጣን አረጃም!” እንዴ ትቤ እግለ በግርየት ምን ሐዲስ ሐቀለ ሀረሰተ ዲብ ሰንዐት ለእግለ ርኤት አኖረት። ምናተ፣ ሬክባይ ዕንታተ ይሐሰ፣ እንዴ የቀነ አርአየ፣ ሐንገል ናይ ሐየት ዲብ ዐርቀይ እት ለአስሀምም ርኤቱ። እብ ድንጋጽ ቀርቦተ እንዴ ትከምተተት ገርብ

ሕላስ እግል ልግበእ ተርፈቱ አለቡ። እደየ አርዐደ ወአፋህ ለግለግ ቤለ። ዕንታተ ላቱ ምን ሸቅሉ እንዴ ኢበዋር ስተል - ለድንግሎ ወለተ ዲብ ዐርቀይ ክምሰል ይህሌት አከደ እግለ። አርሄት፣ ስተል ለሐየት ክምሰል በልዐየ፣ አዜመ እግለ እተ ዐርቀይ ሰክቦ ለዐለው ውላደ እግል ኢልብለዕ ሰበት ፈርሀት እተ አነነ ተወው ወዴት። ለሐየት ምን እንክርለ ረዐዳብ እንዴ ገብኦ ሻብብ ለህለ መስለ ዲብ ዐለ። እንዴ ኢልትአመረ ህዩ ምነ ቀበትለ ቤት ብርግሽ ወዴት። “ወ...ይይ! ወው! ዎይ አነ! በዴኩ ዎይ አነ ሐገልቦ!” መውዲታት ወዴት ዲብ አፍለ ቤት እንዴ ተዐንበልብል። እት ቃረትለ ንዋይ ሰክብ ለዐለ እድሪሰ - አብ ዕያለ ሰክብ ሰበት ነስኦየ እግል እዛን ናይላ መኣዘን ኢሰምዐየ። መውዲታት እሲቱ ላተ ሰበት አደንገጸየ ሰክብ እቡ ለዐለ ብላይ ዕሳሪ እንዴ ትወናዘፈ ወሰይፋ እንዴ ሐርጠ እት ልሰዔ ዲብ እሲቱ ክማም ገብኦ?” “ሚ ገብኦኪ? ሚ ጀሬት?” “በዴኩ፣ በዴኩ፣ ትዘመተነ ወጠረርነ!” “ሚ ዘምተተነ! አስእሊኒ! ሚ ትገብኦ ህሌኪ?” “ስተል... ስተል!” “ሚ ገብኦት ስተል?” “ሐየት በልዐየ! ይህሌት! ዎይ አነ ሐገልቦ ወአክረብኩ!” “ሚ ትብሊ ህሌኪ! ሚ ዶል በልዐየ ወዲብ አየ?” “እንሰር በልዐየ ወአዜመ ውላድ ለብዕዳም እግል ልብለዕ ቱ!” “እንቲ እሲት ትትሐለሚ ኢተሀሌ? ስተል ምን ዐደ ከደን ሚ ትገይስ! ሐየት ዲብ አየ እግል ልርከበ። እንዴ አስተቅፈርኪ ትሰለይ እግልኪ።” እግል ለአትሃድኦ ባሰረ ለእግሉ ትብል ዐለት ሰበት ይኣምነየ እድሪሰ ብእሰ። “ህለ እብለክ ህሌኩ፣ አዜመ ውላድ ለብዕዳም እግል ልብለዕ ዲብ ዐርቀይ ዓርግ ህለ! እግል ኢልቅተለክ ለቤት ኢትሸበበ! አዳም አስእል እግል ልሰዴከ!” “አርቀይ ለክአፎ!” ለህግያህ ሰበት አትሸከኩቱ በግርየቱ እንዴ ነስኦ ሕርቦት ሐቀለ ሸምክ ዲብ ዐርቀይ አትናወረ። ህግየ አርሄት ይሀረት ወኢጠረት፣ ሐንገል ሐየት ሸልሸላይ ዲብ ዐርቀይ ረአየ። እድሪሰ ምነ አፍለ ቤት ሐር እንዴ ቀርቦ ምስል ነፍሱ ገመ። ሐየት ቱ ሚ ከያል ሰበት ኢተአመረ እግሉ ህዩ። “አዑዝብላሂ መን አሸይጣን አረጃም! ሚ እርኤ ህሌኩ! እለ እሲት አማናቱ፣ እሊ ሐየት ግርጉር ቱ! አዜ ሚ እባሰር? ውላድ ገድም ትጀለፈው፣ ምንመ እንቀትሉ እግል ልደሐኖ ኢኮን፣ ሚ መንኮር

ጸብጠተነ!” ውኑዙፋ ለዐለ ብላየ ጠብ እንዴ ተዐንደቀ እግል ሞት ወቀትል ሰይፋ አዳለ። መውዲታት አርሄት ለሰምዐ ሰብለ ድጌ አንሱ ወተብዐቱ እት ልትባደር ዲብ አፍቤት ዐድ እድሪሰ ትጀምዐ። ዎርት ከእብ እንክሩ “ሚ ጀሬት! ደሐን በሎ፣ አርሄት አፎ ውዴኪ?” እት ልብል ትሰኦለ። አርሄት መውዲታተ ዲብ ተኣተላሌ፣ “ትዘመትነ! በዴኒ ወቀዌነ! ቤትነ ሐየት ተዐቀረ ዲብ። አጀኒትነ ትጀለፈ። ርድኡነ ውላድነ ገናይዞምመ እግል ንርከቡ ይእንቀድር!” ከበር መክሩ ፊረቀት እቶም። “ሚ ትብሊ ህሌኪ? ሐየት ከአፎ ዲብ ዐርቀይ ልትዐቀር!” ሽጣን ዐውዚ። አትዳፍኦየ ጀሚል ለልትብህል በዐል ገጽ ናይላ ድጌ። “ያረይ ለገብኦት ጋብኦት ህሌት። ቤት ሐየት ልወሸ ዲብ ህሌ።” ከበር መክሩ ደግመ እግሎም እድሪሰ። ሰብለ ዐድ እብ ለሰምዐየ ከበር እት ሰከራት ገብኦ። ዲብ ቤት እንዴ ኦተ እግል አዳም ለበሌዕ ሐየት ቀደም እለ ሱዳፎም ሰበት ኢኮን ለህግየ መንኮር ገብኦት እቶም። ገድም ሐየት ዲብ ዐርቀይ ሐቆ ትለወሸ ምሽክለት ክምሰል ትሰደደት! ለጋሪት እግል ምርወቶም ወወቀዮም ለትጀርብ ክምሰል ቱ ምስለ ሐየት ሐቆ ትሻፈፈው ህዩ እብ ዕሉጉ እግል ለአክርር ምኖም ክምሰል ቱ ዎርት ከእብ እንክሩ ሐሰበ። ወድ ሐሁ እግል እድሪሰ ላቱ ክሚል ለልትብህል በዴሕ ፈዳብ። ሰኒ ሓርቅ ወንፋል እት እንቱ። “ያጅማዐ ሚ እንወዴ ህሌነ! ሐየት ዲብ ቤት ሐቆ ህለ አሰዩፍነ እንዴ ነስኦነ ንቅተሉ።” ቤለዮም። ላመ ብዕዳም አንፋር እግል ህግየ ክሚል እንዴ ለአይዶ፣ “አማኑቱ። ሚ ንትጸበር ህሌነ? እብለ ሓለት እለ ገናይዝለ አጀኒት እግል ንርከብ ኢኮን። ለቤት እብ ክሉ እንክራ እንዴ ትከልለልናህ ንህጀሙ።” ቤለው። “እንተ እድሪሰ ለሐየት ዲብ እለ ቤት ክምሰል ህለ እብ አማን እኩድ እንተ?” ትሰኦለ ሓይሰለ ዐድ። “አናመ ክእነ ክምሰልኩም ሸክ ዐለ እግልዬ፣ ምናተ ክምሰል ርኤኮ አመንኩ። ስተል እንዴ በልዐ ዲብ ዐርቀይ ካርር ህለ። አዜ ገበይ ለእብ እንቀትሉ ሌጠ ባሰር።” አሰቡተ እግሎም እድሪሰ። እግል ልርድኦ ማጽኦት ለዐለየ እማት ህግየ እድሪሰ ክምሰል ሰምዐየ እብ ድንጋጽ እት ልትራጀፈ ክል-ሐቱ ከአጀኒተ እግል ተሃርብ አሰክ ቤተ ሀረክረከት። ሰብለ ድጌ ገድም ዎርት ከእብ እንክሩ እብ ጽዋሩ - ሰይፋ፣ ኮናቱ፣ ግድቡ ወሞራሁ እንዴ ነስኦ መጽኦ። ሓይሶታት

ናይላ ዐድ እንዴ ተዓረው ለሐየት እግል ልህጀሞ ትዳለው። “ስመዕ እድሪሰ! ሐነ እትለ አነን ጅምዓም ወክእነ ጨጭ እት እንበል። ሚ ሐየት ቱ ኢልሀርብ ወኩስኩስ ኢወዴ? እንተ ሰኒ ፈጠንካሁ?” ቤለ ጀሚል ሰኒ እግል ለአክድ። “እላ ቱ! እንተ አብ ዓሽ ተኣትሓሰነ ህሌክ? ውላድነ እንዴ ልትበልዖ ወቅት ኢትንሰኦ ምኒነ። ሰብ ኤማን ምን እንቱም እሊ ሐየት ቅተሉ።” ሐረሽቶም አርሄት። “አብ ዓሽ ለሸክ እዘም ምኑ፣ ዮመቱ ምሕልክነ ለልትደሌ ዲብ አምዕል ተ። መከሐደ እንዴ አዘምክ ምኑ ነዐ ምጽኦኒ።” እንዴ ቤለ ሸንክትለ ቤት መርሐየ። ህቶም እንዴ ልትከሐዶ ባነ መጋዌሕ ጣለ ዲብ እንቱ እብ እንክር ምፍጋር-ጸሓይ አሸኦበበ። ለጽልመት ሐራሰ ህዩ እግል ትትገልጸጽ አንበተት። ጀሚል አሰር እድሪሰ እት ገብኦ እብ ቅሩቱ እግለ ሕርቦት እንዴ ሸምክ ዲብ ቀበትለ ቤት አኖረ። ለሐየት እግለ ሸልሸላይ ድሩይ ሐንገሉ እብ እንክርለ ረዐዳብ እሸቡቡ እት እንቱ ረአየ። “በጠለት አሰጃዐ!” ቤለ ሐር እንዴ ነፍረ ጀሚል። ዲብ ልትጸቦሩ ለዐለው ፍራሰ ናይላ ዐድ እንዴ አቅበለ ህዩ። “ውላድ ለህግየ አማን ቱ፣ ሐየት ለዐርቀይ መርዓዊ ጋብኦ እቱ ህለ። ስተል በዲር በልዐየ። አዜ ህዩ ለብዕዳም አጀኒት እግል ልጅለፍ ዲብ ረአሰ ግዳሉ ግሱይ ህለ። ክልነ አሰዩፍነ እንዴ ሐረዋነ ለቤት እብ ምንሐር ወእብ ምንቀደም ንትከለለ። እድሪሰ ወክሚል ምንቀደም፣ ዑመር ወሰርጉይ እብ ምንሐር፣ አነ ወበይደ እብ እንክር ድገለብ። ዐሊ ወሐመድ እብ ህዩ እብ እንክር ድማን ንግበኦ።” ቤለዮም እንዴ ለአትመቃርሐም። “ከአፎ እግል ንቅተሉ ቱ? ጠልገት ምን ብነ ወለከፍነ ዲቡ፣ እብለ ላተ አቴነ ምን ገብኦ እግል ልቅተለናቱ፣ ህቱ ህዩ ምን ቀበትለ ቤት ኢፈግር። አናዲ ለበሰር ቅወይ ዲብዬ ህለ።” ቤለ ሰርጉይ ፋርህ እት እንቱ። “ሚ ተኣፈርህ ብነ! አሰክ ፈግር ንትጸበሩ፣ ሐቆ ፈግረ ህዩ እብ እተ እደይነ ህለ አሰዩፍ እንዘብጠ።” ረአየ ህበ ክሚል። “በይኦ ትወረሶ! ሐቆ ትጸበርናሁ ለአጀኒት እግል ልቃትል ቱ ማሚ? በሰር ብዕድ ንሕሰብ። ወሰክ ዑመር። “አነ እብ ረአዬ፣ ክምሰል ትዳሌነ አክራናት ንውዴ፣ በህለት ‘ሁይኦ’ ኒበሉ። እንዴ ትረበሽ ዶል ፈግር

እንዘብጠ።” በሰር አምጽኦ ጀሚል ለሓይሰለ ዐድ። ክሎም ዲብ እለ ፍክረት እለ እንዴ ትዋፈቀው፣ ህዩ አሰዩፎም እንዴ ሓረጠው እብ ሕበር። “ሁይ፣ ሁይኦ፣ የዕ ፍገር፣ ጅን፣ ክር” እት ልብሎ ጽርሓት ወደው። ምናተ፣ ለልትጸቦሩ ዐለው ሐየት ኢፈግረ እቶም። ክሎም ዱሉያም ለዐለው ሀረሚት ናይላ ዐድ እግለ ወዱ ትቀዌት እቶም። ዲብለ ቤት እግል ኢልእተው ፈርሀው ወእግል ኢልትገሰው ህዩ፣ ሐየት ዲብ ቀበት ቤት ተዐቀረ። “የሀው እበን ንላክፍ እቱ።” ረአየ ህበ ሐመድ። “ለአጀኒት ምን ልትፋቀኦ ህዩ።” ፈርሀቱ ሸርሐ እድሪሰ። “ጅነ ምን ልትፈቀኦ ኖሱ ልትሰፈፍ። ሐየት ምን በልዑ ህዩ እት ብሩድ ከፊኑ” ወሰክ ሐመድ። “ውህር አነ ቀጸፍክ ሊገሰ!” አጀኒት እበን ሐቆ ዛበጠዮም መውዲታት እግል ልውደው ቱ። ለሐየት ክርንቶም ሐቆ ሰምዐ ህዩ፣ ክሎም ምስል እግል ለጀለፎም ቱ። በልሰ ዲቡ ጀሚል። በይደ እብ እንክሩ በሰር ሐዲስ ፈቅደ። “ያጅማዐ ሚ ንውዴ መስለኩም፣ ከልብ እንዴ አምጽኦነ ንጠልቁ ዲቡ። ክምሰል ነብሐየ ለሐየት እግል ልቅተሉ እግል ልፍገር ቱ፣ ሕነ ህዩ ዱሉያም እንጸኔሕ። ተኣተንሰዮም ለጸንሐት አርሄት። “እለ ላቱ ኢትገብኦ። እንዴ ጠሐረ ለውላጄ እግል ልቃትል! አምዲት ብእትኩም ምን ገብኦ እተው ዲቡ። ለትሰረረተ ገምድ ለቤት መስከቡ እግል ልውደያቱ። ” ቱለቶም። ክሚል ህገየ አርሄት ክምሰል ሰምዐ ሰኒ ትነክደ። እት ልሰዔ ቤቱ እንዴ ጌሰ ኮናት ገለ ከመጽኦ። ሰይፋ እንዴ ሐርጠ ወኮናቱ እግል ልወርውረ እንዴ አዳልየ ለጸሩ እንዴ ኢገሚ ቀበትለ ቤት ሸክ ወደ። ፋዋን እት እንቱ ህዩ ሸንክትለ እት ገጹ ለዐለ ሐየት ወርወረየ። ለኮናት ዲብ ብሶት ናይላ ሐየት ትሸረበት። ምናተ፣ ለሐየት ክርን ኢወደ። ክሚል ለሰይፍ እንዴ ሐርጠ ሰኒ አቅመተየ። ምናተ ክሉ ረአሱ ኩስኩስ ኢወደ። ለሰብ ክሚል ክምሰል አተ ሰርም እብ ጎሞ፣ ሰርም እብ ግረ ወሰርም እብ አፊት ትሻበበው። ሰክቦ ለዐለው አጀኒት በራድሆት ክሚል ወሀገጊት ናይላ ሰብ ክምሰል ሰምዐው ምን ሰክቦም ሐሰሰው።

ትተላሌ....

ሄራር ዐማር ዲብ ምዴርያት ሐመልማሎ ወገለብ



ወዘር ሐርሰ አሰይድ አረፋይኔ በርሄ ወወዘር ማይ፤ አርድ ወድዋር አሰይድ ተስፋይ ገብረሰላሴ ዲብ የም 15 ኖቨምበር 2017 ዲብላ ትፈናተየ እዳራት ደዋሐ ምዴርያት ሐመልማሎ ለተመ ወዲብ መዓል ለወወለ መሻፊዕ ዐማር ሓድራም ዐለው። ወኪል ወካሊት አክባር ኤረትርየ ሳሕፊ የሱፍ እድሪሰ ለለአከዩ ተቅሪር ልተላላ፡-

ለዲብ 15 ኖቨምበር 2017 ረሰሚ ለትደሐረ እግል ክድመት ዱሉይ ለገአ መሻፊዕ ከዞን ማይ ባሸራ፤ እብ ጣቀት ጸሓይ ለሸቄ ገዛም ተውዘሰ ማይ ድጌ-ምራድ-ድዋር ፈርሐን ክምሰልሁመ ዲብ ደዋሐ አጀርብብ እግል 366 ዓይላት፤ እግል 25 መሰል ሰኔት ላቶም ምን ከዞን ሙሽ ለለዐምሮ ሐረስቶት ወመድረሰት ደረጀት መአንብታይት አጀርብብ ለከምክም ዐለ። ምዕልለ መድሐራት ሙዲር ምዴርያት ሐመልማሎ አሰይድ የዕቀብ እድሪሰ ከሊመት እስሙዕ ዐለ። እተ ከሊመቱ፡ "እሊ ምሰል ሰብ ሸርከት እንዴ ትሳዴክ እግል ልትመም ለቀድረ መሻፊዕ ዲብ አትሐየሶት መንበረት ናይለ ደዋሐ ዲብ መርሐለት ሰኔት ለለዐዴቱ" እንዴ ቤላ፡ ምን ብነኡ፡ አሰሶት ወአትዳላይ እንዴ ተሐለፈ ረዩም እግል ተአንጽር ወሩእየት እግል ተአርሕብ አርደት ለለአጠፊኡ ክምቱ ሐበረ። ኔብረት፡ እሊ መሻፊዕ እሊ ሰኔ እግል ልትነፈጾ ምን፡ ዝሕረቱ እንዴ ሐንፈለው እት መዓል እግል ለአውዑሉ፡ እተይ እንዴ ከእለለው እት ሄራር ክድመት ለሳድፍ መጋዴዕ እግል ለአርሁ እቡ ክምሰልሁመ ምን ለልትረከብ እተይ እብ ፍዕል ለልትረኡ ወእብ ተአስትህል ለልትቀየም እግል ልግበእ ትወሰ።

ህቱ እንዴ አትሉ፡ ከዞን ባሸሪ ምን አተቅበሉት እዴ ሳድያይት ዲብ ሃይባይት ወመፍርያት እግል ልትሐለፍ ወዐዳጋታት እግል አርከዮት፡ ዲብ አጀርብብ ለተክለ ክዳማት ጣቀት ጸሓይ (ሰላራት)

ዲብ ረዩም ወግምጩይ አካናት በራምጅ ብነኡ ወዐማር እግል ልትወወት ለሰዴ ክምቱ፡ ዲብ ድጌ

አዳም እብ ነሐሩ ሻርክ እት ህላ፡ ሐድ አሮ ሚልዮን ወሰር ነቅፈ (1,425,030.00) ማል ክም ፈግረ



መርከዝ ሸትል ገለብ

ምራድ ደዋሐ ፈርሐን ለዳለ መሻፊዕ ማይ ሀይኒ፡ መዋጥኒን እተ እለ ህለው ምን ለህሉ እብ መሕገዝ ማይ እግል ኢልትጀረሱ፡ መሕገዝ ማይ እግል ለአክትም ወአዳምነ ማይ ጽሩይ እግል ልርከብ ለአመመ ክምቱ ሸርሐ።

ሄራር ብነ ከዞን ባሸሪ ወኬርዓይ ከዞን (ፔክዳም) ሸላላቅ ለታበዐ ኢንጅኔር አድም ሙሰ ዲብለ ሀበዩ መብርሂ፡ ከዞን ባሸሪ 1.3 መትር መካዓብ (ክዩብ) ምን ማይ እግል ልጽበዋ ክም ቀድር፡ ዴማት ማይ ሀይ ምን አድብር ላልምቤ ሊቡ፡ ሕቡቡ ወአፍጭሩቅ ክምቱ እንዴ ሀድጌ ዲብ ወራት ብንዩቱ 27% አዋልድ አንሳት ወ73% ውላድ ተብዕን ክም ሻረከው አፍሀመ።

ህቱ እንዴ አትሉ፡ ዲብ ብነ ከዞን ሙሽ ክል ምዕል 216 ምን ነሐር አዳም እት ልትፈረር እብ ጀሚሶ 31,297 ነፈር ክም ሻረከው ዲብ እንዴ አብረህ፡ ሐድ ሐምስ ሚልዮን ነቅፈ (4,964,540.00 ነቅፈ) ማል ክም ፈግረ እሉ አከደ። እግለ ክረዕ ከዞን (ፔክ ዳም) ለገብኡ ፊራሮ ሀይ ምዕልክ 9,849 ለዕልቡ

እሉ አፍሀመ። ከእብ ዓመት እግለ ከዞን ወእግለ ክረዕ ከዞን (ፔክዳም) ለፈግረ ማል 6,389,570 ነቅፈ ክም በጼሕ

ሙዲር ምዴርያት ሐ መ ል ማ ሎ አሰይድ ያዕቀብ እድሪሰ ሸርሐ። ገሌ ምን ዐለ መሻክል አው መጋዴዕ እት ለሐብር ሀይ ለትፈናተ መትሻቀዩ ክም እብ እዴ ለሸቄ ቡምባት፡ ማይ ለከዞን መዕለይ፡ መትኣካር ስሚንቶ ለመሰል አሸያእ ክም ዐለ ተሃገ።

መሸሩዕ ብነ ገዛም ተውዘሰ ማይ ናይ ድጌ ምራድ እብለ ከሰሴ ምን ቅስም ዐማር መባኒ ዲብ አቅሊም ዐንሰበ ሴድያይ መሃንድስ መሓሪ ሃብታይ እብ ጀሀቱ፡ ለመሸሩዕ ናይ 50 መትር ክዩብ

ባሰከት፡ መዲድ ክጡዋ ውበንዩት ክልኤ መሐጠት ተውዘሰ፡ ብንዩት አካን ሰላር ለከምክም ክምቱ እንዴ አፍሀመ፡ መሻረከት ሸዐብ እንዴ አሸረ ሀይ፡ 10% ኖሱ እንዴ ከርዐዩ እብ ጀሚሶ ዝያድ 3 ሚልዮን ነቅፈ (3,051,970.48ነቅፈ) ክም ከለፈ አትአመረ።

ሀደፍ ናይለ መሸሩዕ ማይ፡ ድጌ ምራድ ወስካን እዳረት ደማንት ለቡ ማይ ናጊ ምን ቅሩብ እግል ልርከብ ክምቱ እንዴ በዩ፡ አጀኒት ነኣይሹ፡ ደረሰ፡ እማት፡ ሬፍዓይ ለአለም እብ ዕምር ለዐበው ደገልል ምን መሕገዝ ማይ እግል ለአባሩ፡ ኔብረት ደገጊት በሰክዲረ ወደዋሐ ፈርሐን ማይ እግል ልግለሎ ለአበድም ለዐለው ብዙሕ ቅያስ ብትርል ወሀላክ ጀነሬተራት እግል ልትረፍ ምኖም ለአመመ ክምቱ አፍሀመ።

ሙዲር ሙዴርያት ሐመልማሎ አሰይድ የዕቀብ ዲብ ክል ቤት ወመድረሰት መብረህት ጣቀት ጸሓይ እግል ትርከብ ጀህድ ገብእ

ናይ ዐዶታት አጀርብብ ወሳንቀ፡ ክምሰልሁመ እግል 25 መሰል ሰኔት ላቶም ሐረስቶት ከዞን ሙሽ እብ ዓመት (ዲብ መድረሰት አጀርብብ ለተክለ እንዴ ኢለአቴ ዲብ)፡ 413 ሰላር ክም ትወዘዐ አከደ።

መሸሩዕ ማይ፡ ሰላራት ወከዋናት ለትብነ ወእግል ሸቅል ለትሸገረ እሉም ስካን ድዋራት ሙሹ፡ ፈርሐን ወአጀርብብ ዲብለ ሀበዎ ረኣይ፡ እሊ ብኑይ ለሀለ መሻፊዕ ዲብ ብሩር ወምን መዳይን ረዩም ለሀለ አካናት ለነብር ሸዐብ አውለውየት እንዴ ተሀየብ ከዲሙ ለተአይድ ሕኩመት ረታዕት መብደኣ አክልሕድ ለበይን ክምቱ ሐቀለ ሸርሐው፡ ህቶምመ ለርከብት ሀሌት ንዕመት እብ ገበይ ሰኔት እግል ልትነፍዑ ምን ወእግል ለሓፍዞ እተ ክምቱ ገለድ አተው።

እሊ ክእነ ዲብ እንቱ፡ ሓክም አቅሊም ዐንሰበ አሰይድ ዐለ መሕሙድ ምሰል ገበል ሐምስ እዳረት ደዋሐ ናይ ምዴርያት ገለብ ሀድጌ፡ ዲብለ ምን 8-10 ኖቨምበር ምሰል ስካን እዳረት ደዋሐ ምሕላብ መዛባጥ፡ መራት፡ ገድማይ፡ ቤልተ፡ ገርቦት ወሽብህ መዲነት ገለብ፡ እተ ወደዩ ሀድግ ሓክም አቅሊም ዐንሰበ አሰይድ ዐለ መሕሙድ፡ እዳረት ሳፍየት ወነዲፈት፡ ዶር ወመሻረከት መሓክም ደገጊት፡ እብ ደረጀት ወጠን ገብእ ለሀለ በራምጅ መካፈሐት ወዐማር፡ አሳሱ ዲብ መዐዩ ላቱ በራምጅ ዐማር ወአትሳናይ ጽርግዩ፡ ከዞን ማይ፡ ሕፍዘት ዕጩይ ወእበዋ ማይ ወትርቦት፡ መትከምክም ደገጊት ወለተሀሌ እሉ ግዴት፡ ክምሰልሁመ ዱሉይ እግለ ሀለ ክዳማት ማይ፡ ዓፍየት፡ ተዕለም፡ መዋሰላት ወእትሳላት፡ ገበይ መትነፍየት እብ፡ ዝሕረቱ ሐንፈሎት ወመትዓዋን ውበዕድ እሉ መሰል ጋራት እንዴ ሀረሰ እንዴ አፍየሐ አብረህ።

ልተላሌ.....



ሸዐብ መዛባጥ እት ክድመት መሸርዕ ማይ



ለኢተመ መሰኢት

እብ ሰበት ታሪክ ንዓል ለሉሓኬ ለትፈናተ አክትብት ጥዕህ ህላ። ምን እሊ አክትብት እሊ ጀራይም እስትዕማር እት ረአሰ ሽዑብ ኤረትርየ ለሉሓኬ ክታብ ፋግር ህላ። ለክታብ እግለ እት ለትፈናተ አካናት እት ረአሰ ሽዑብ ለጀረ ጀራይም ለክሰሰ ቅሰሰ ክቱብ እቱ ህላ። ሐቱ ምነ ብዙሕ ቅሰሰ ህዩ “ለኢተመ መሰኢት” እብ ልብል አርእሰ ዐብደልቃድር አሕመድ ለክትባዩ እብ ሰበትለ እት ግርበት ሰነት 1970 እት ረአሰ ሰነን ሆነ ለጀሬት ጀራመት ወህተ ለሐድገተ ሽንርብ ለተሓኬ ቅሰት ተ። ከአወላይ ክፈለ እግል ንርኡ፡

ለመሪር ሐዘን ታሪክ ሆነ ክምሰል ትናወልኦ፡ አሰይድ መሐመድኑር ሰዓድ ዐሊ እት ዝክርያት ትሸመመ። እግለ ገሀይ ለወርሰዩ ገጽ ቅርጥን እንዴ አበለ ህዩ አተናፈሰ። ዲብ ግርበት ወሬሕ ሰነት 1970 ህዩ ተርሀርበዎ። ኣነ ህዩ እግል ሕላየት ፈናኒት በኪተ ዐሊ ለዘተ እግል አትዳውር አምበትኩ።

የኩ የኩ የኩ...
የኩ የኩ የኩ ኢትትረሰዕ ምን ልብነ
የኩ የኩ የኩ ሰርቤብ ሐደግኪ ዲብነ

“ለወክድ ደረሰ ካልኣይት ደረጀት ዐልኦ፡ ለፈነ ክምሰል ሳይፈ ፈጅራተ ክሉ ደረሳይ ሕጻን ልግበእ ወወለት ለዲብ መክዘን መድረሰትነ ለዐለ በዳይል ወገረዋይን እንዴ ሀረሰ ዳላ። ገረዊነት ወበዲለት ላኪን፡ እግል ሐርሰ እንዴ ኢጉብእ እግል ቀብርቱ ለዐለ።” ገጽ መሐመድኑር ምን ሐዲሰ ትቀርጠኦ፡ ዕንታቱመ እግል ገሌ ምነ ቀደም 46 ሰነት ለጀረ ትራጀዲ እንዴ አትዋየን ትማለኦ። ዲብ ምኩ ለትሰራበበ ከያል ህዩ ትዋሰፈ እሉ። ዕንታቱ ሽም እንዴ አበለ በል አበለዩ። እግለ እት ወክድ ለህይ ለሐሰለ አዋይን እግል ልሸረሕ ህዩ ገሀይ ወርሰዩ። “ለገናይዝ ክምሰለ ሙዱዱ ለትመየ ጸንሑኦ። ለዲመ ምን ዕንቹ ወልብዬ ለኢትብዴ እትዘከረ እት ህሌኮ ለተነበዐኒ ላኪን፡ ሓለት ሞት ናይ ሐቱ መርዓት ቲ። ምን ከብደ ወተሐት እንዴ ነደት፡ እደየ ህዩ ምዱድ ዐለ።”

መሐመድኑር እግል ለአተላሌ ኢቀድረ። እንዴ አቀመጨ ትም ቤላ። እደየ ላኪን ናይ ፕላሲቲክ ሶታይ ፋይል ምን ድርጅ እንዴ ሰሐቤ ምነ እብ መደጋግ ጸብጡ ለዐለ ፋይል ህዩ ሐቱ ወረቀት አትከበቱኒ።

ለወረቀት እብ ቤት ፍርድ ለትሳደቀት ወራት ሰልጠት ወውካለት ለተሐብር እት ገብእ፡ “መወክላይ - አሰይድ መሐመድኑር ኢሸሓቅ ሕመድ፡ ዕንዋን - ከረን፡ ወኪል አሰይድ መሐመድኑር ሰዓድ ዐሊ፡ ዕንዋን ቲሺ -ኡሬ (አሰመረ)” እብ ልብል አርእሰ ተ ለተአነብት። አግደ ጽበጠ ህዩ ክእነ ልብል ዐለ፡

ኣነ መወክላይ ሰሚቹ ወዕንዋንዬ ዲብ ለዐል ህዳግ ለህላ፡ አባይ ዲብ ድዋራት ከረን ‘የነ’ ዲብል ልትበህል ድጌ ዲብ ረአሰነ ለአጅረዩ ናይ

አርወሕ ወመምተለካት ፊኩ ወለት ሰለሰ ወሬሕ ለዐለት ሞፍል ወለቹ እብ ጸዓዲ ውላድ ካርጅ እንዴ ትነሰአት ቲነ ለይን ጀርማይ ለትብል ሰሚት ትሰሚት። ጆሴፍ ዊልያም ጀርማይ ወእሲቱ ሼኪ ግሪርደይ ዲብ ሰነት 1971 ዲብ ቤት ፍርድ ምዴርየት ሐማሴን ለዐለት እንዴ ቀርበው፡ ለጥፍል ምስሎም እግል ለዓቡወ ሰበት ነሰአው፡ እብ ሰበተ እት አካንዬ እንዴ ገብአ ሐብሬ እግል ልርኩብ ኣነ እብ ውጁድ እንዴ ቀረብኩ እግል አትምሙ ለወጅበኒ ክሉ እግል አትምም ታመት ውካለት ክምሰል ሀብኩወ እብ ፈርመቼ አክድ።

መወክላይ - መሐመድኑር ኢሸቅ ሕመድ

እብ ጸበጥ ናይለ ወረቀት ዝያደት ተምተምኩ። የም አለቡ ሰኣላት ህዩ እግል ልትሻበበኒ አሰተብደ። ሰኣል ለጽብጠ ገጩ ገብእ ትፈሀመዩ መሐመድኑር ህግዩ አተላላ፡

“እብ ሰበትለ አሰክ እለ ለኢጸብረየ ወለቱ ሐብሬ ምን ልትረከብ እንዴ ቤላቱ እት አካኑ እንዴ ገብአኮ እግል እትቃረም እሉ ለወክሌኒ። ሐድ መቅደረቼ ህዩ ልሰዕ እጀራርብ ህሌኩ።” ክምሰል ቤላ፡ እብ ጀሀቼ ለእምበል ጀራመት ዲብ ረአሰ ሽዐበ ወመምተለካት ለሰሸዐል ደማር ወፈነ እግል ትርኢ ለትፈረደት ሆነ ምን ቅሩብ እብጸሐ ወምሰል አቃርብ ናይለ አሰክ እለ ከበረ ለኢትረከበ ናይለ ወቀት ለህይ ግርዝ እንዴ ትዋጀሀኮ እግል እዳግም ትሸነሀኩ። ዕንዋን አሰይድ መሐመድኑር ኢሸቅ እብ ተሀየቤኒ ተለፎን እንዴ አተሰልኮ እግል አሰይድ መሐመድኑር ኢሸቅ ሐዘኩ።

* * *

ዲብ ረአሰለ ጀላብየት ጸዐደ፡ ለኒ ሰዴራት ለወደ 70 ሰነት ለገብእ ዕምሩ አብ፡ ምስል ካልኣዩ ዲብል ዕድም ለወዴነ እተ አካን እግል ልምጸኦ ወቅት ኢነሰአው። ለእንዴ ጸብጠዩ ለመጽኦ ቅሩቡ ዐብደርሕማን ኢብራሂም፡ “አብለ ወለት እሊቱ... መሐመድኑር ኢሸቅ ልትበህል።” እት ልብል አትአመሬኒ ምስሉ። አላ... ሕነ እግል ሰር ዕምሩ ለአተንትን እብ ለጸንሐ ወለቱ እንዴ ረከብነ ለመጽኦናሁ ማሰሉ ዐለ። ሰላም ልብለነ እት ህላ፡ ለሰእየት ጸብራት ለይዐለየ ነኣይሽ ዕንቱታቱ ዝያደት ባርሃት ዐለዩ። ዐብደርሕማን እብ ሰበትለ አምጸኦተነ ቀድየት ክምሰል አፍሀመዩ ላኪን፡ ህምድ ቤለ ኩ፡

“መዕሌሽ! እግል እለ አንበጢጣይ ምን ከሌዕ ፋግረት ላተ ወለቹ እግል እርኩብ ለሰዴ ልግበእ ዲኢኮን ምሽክለት አለቡ። ትሰአሉኒ ዲኢኮን ክለ ለሓለት እግል ሓክዩ እግልኩምቱ።” እት ልብል እብ ገጽ ፋሬሕ ትከበቱኒ። ለድግም ዝያደት እግል ትገርም ላኪን፡ ምን ምግብ ከረን ሐድ ሰለሰ ኪሎሜተር ራይመት ላተ ሆነ እግል ንጻርር ዐለ እግልኩ። ይኣደግኝ እት እንዳግም ሕሊል ደናገት እንዴ ተዐርፊን ድማን ጃርዲን ኦርቶሎ፡ ድግለብ ህዩ ዐዳገ ንዋይ እንዴ ሐለፍነ ክምሰል ሽበብኩ፡

ለታሪካይ ድጌ ሆነ ዲብ ውቅል አካን ረኡናሁ።

የኩ ለበዲር ለአሙራ፡ ዐድ ማሼለ ወብልቱብ፡ ዐድ ኬር ወረሀየት ክምሰል ዐለት ደግሞ። ዲብ ዘበንነ ላኪን እብ ሰብብል ኢልርሕም እስትዕማር፡ ሰሚተ ዶል ትትረፈዕ ለልትካዩል እግልነ ለለአሽዐልል ታሪኩ ታሪክ ጀራመት እስትዕማር ሌግ ቲ።

አሰይድ መሐመድኑር ኢሸቅ፡ እት ሕክየት ወለቱ እንዴ ኢለአቱ ታሪክለ ድጌ እግል ለሓኬ እግልነ ሐረ። ሰበቡ፡ ለእግል ንዳግም ግሱያም እቱ ለዐልነ ድካን ዐድ መሐመድ ያቅብ፡ ምነ አምኣት ላጽሓም ምዋጥኒ ውላድለ ዐድ ለደፊነው እተ ሕፍረት ረዩም ሰበት ይዐለ። ዲብ ከርሰለ ድካን፡ እብ ሰበትለ ቀደም ስኒን ረዩም ለጀረ ፊኩ፡ እብ ዘየታትለ እተ አምዕል ጸላም ለወዐለ አሰይድ መሐመድኑር ወዲብለ ወክድ ለህይ ወድ 11 ሰነት ለዐለ አሰይድ አሕመድ ያቅብ እግል ልደገም አሰተብደ።

አሰይድ መሐመድኑር ኢሸቅ፡ ፈር ወንተር ናይለ አምዕል፡ ሳዐት ሐምሰ አልዐሰር፡ ዐሳክር ለጸዐነ መካይን እብ ጀሀት ማርያም ደናገራት ሐልፈ። ግረ ሕዳት ሰየታት ህዩ እግለ ዐሳክር እንዴ ከረ እብራቁ አቅበለ። ለወክድ ጸሓይ እት ምውዳቅ ትሸልህት ዐለት። ላሊ ክምሰል ገብአ እብ ጀሀት ቅብለት ሆነ ዘብጥ እግል ልሰመዕ አሰተብደ። ክለኒ ሰነን ሆነ እብ ዘብጥ ድቁብ እት ርዕብ ትካሬኦ። ምድር ጸብሐ። ኣነ አሰቡሕ ምድር ቀነጽኩ። ክምሰለዬ ሰካብ ሓግላም ለትመየው ብዕዳምመ መምን ቤቶም ፈግረው። ዲብ ባካትነ እት ነኣትቃምት “ሚቱ የሀው? እተየ ዐለ እሊ ክሉ ዘብጥ?” ዲብ እምብል ሕድ ትሰኣልኩ። ደለ ተመስለነ ህዩ ተሃጌኦ። ኣነ ለወክድ ለህይ አሰክ ከረን ትበገስኩ - አሰክ ሱቅ።

ሳልሳይት አምዕል ናይ ዒድ አልኣድሐ ዐለት። ለፈነ ባካት ሳዐት 8:00 አሰቡሕ ለኣነብት እት ህላ፡ ኣነ ዲብ ዐዳገ ከረን ዐልኩ። ለዘብጥ ወረብሸት ዲብ ከረን እንዴ ገብአኮ እስምዑ ዐልኩ። ልብዬ ባዲ ምንዬ ዲብ እንቱ አሰክ ዓይለቼ ወውላጄ እግል አቅብል ትብገስኩ። አዳም ላኪን ምን ገበይ በልሰውኒ።

ለዘብጥ አሰክ ለህምድ ዲብ እትረመጭ ኢልትወዐል ወዐልኩ። ዲብ ዐድ ለለአቱ ልግበእ ወለፈግር ወለ ምሮ ይዐለ። እግል ክሉ ለልትሐረክ መክሉቀቶም ዘብጦ እቱ ለዐለው። ለገብአ ክምሰል ገብአ ሚ ቁመት ቡ እንዴ ኢልትአመረኒ ዲብ እሸወር ሆነ ክምሰል ሽበብኩው፡ አሰልፍ አሰክለ ዲመ ምን ቃብል ለእርእየ ቤቼ አቅመትኩ። ዕንታቼ እግል እመኑ ኢቀደርኩ። ዲብ እትረገሰ ዲብ ምግብለ ዐድ ኦቴኩ። ቤቼ ዲብ ጨበል ሞሻት ብድልት ዲብ እንተ ጸንሐተኒ። ለወክድ ለህይ ልብዬ እንዴ ተዐመመ ምንዬ ለእውድየ ወሐድገ ትቀዌት ኢቼ።

ዲብ ትርእዩ እግል ትእመኑ ለኢትቀድር ደማር ወፈናቱ ለጀረ። ለቀደም ገሌ አምዴላት እብ መናሰበት ዒድ ሕናህን እንዴ

ተሐነዦ ደሀበን እንዴ ትሰርገዩ፡ ጋሽ ልትከበተ ለዐለየ እማት ወመርዒ፡ ለዲብ እሊ አሌላት እሊ ለትወደው ዓሉቅ፡ ለእት ልትባረኖ ዲብ አፍያት አብያቶም ልሰዑ ወለለአልምቡ ለዐለው አጥፋል፡ ለዲብ ምስግድ ዲብ ለአትቀባብሎ ደግሆም ዲብ ረቢ ለአበጸሐ ለዐለው ሽነግል፡ ለምድር ደሐን ህለ እንዴ ቤለው ምን አብያቶም እት ወራታቶም ልትሐረኮ ለዐለው ሐረሰቶት ወሰብ ንዋይ፡ ሰርም ዲብ አፍያቶም እንዴ ወድቀው ወሰርምመ ዲብ ቀበት ቤቶም እብ እሳት እንዴ ነደው ለትኬለመት ሓለት ትከለቀት። ምድር ሆነ እብ ገናይዝ ውላደ እንዴ ትከየለት ጸንሐተኒ። ሕልም እግል ልግበእ እዩ እት ረቢዬ ድዔኩ፡ ላኪን እተየ!

እግል በዐል ቤቼ መዲነ ተክሌሴ፡ እግል ዋልዳይቼ ጅምዐ መንደር፡ እግል ውላጄ... ምን ሐቱ ግናዘት ዲብለ ብዕደት ግናዘት ዲብ እነክሰ ሐዘኩም። ላኪን ኢረከብኩም። ምነ መለገት ለህ እንዴ ሀርበው እግል ልፍገር ህዩ እብ ልብዬ ትየምኒኩ። ልብዬ እንዴ ተዐመመ እቼ ለዐል ወተሐት ዲብ እትረገሰ ምነ መውዒ ትሩድ ዲብ ትወዴ አመት ውላደ እግል ቲዴ ሽንክቼ ትመጽእ ለዐለት እሲት ዕንታተ ጀመም እት ልብል አቅመተተኒ። “እሲቼ አው እምዩ ኢረኡኪ?” ዲብ እብል ትሰኣልኩው። ለእብ ፈርሀት ለአፋድድ ለዐለ ዕንታተ ልሰዕ እብ እንቤዕ ጀለም ልብል ዐለ። እብ እዴህ ዲብ ሐቱ አካን እንዴ አሸረት እዩ፡ “እምክ ወእሲትክ ዲብ ጋድም ህለዩ፡ እንዴ ትቤ ሐብሬህ እንዴ ኢተኣተምም፡ እገርዬ እግል ትእዛዝ ሐንገልዬ እንዴ በድረ አሰክለ አሸረቱ እግልዬ ጋድም አረበዐ።

አሰልፍ እግል እምዩ አሌሌኩው። ለዲመ ትሉብሱ ለዐለት ጀገር ብላየ ህዩ ዲብ ምሮ ስምጦ እንዴ ትከምተቲ፡ እግለ ልትከዔ ለዐለ ደመ እግል ትክረዕ እንዴ ትቤ ዲብ ተዐልጅ ወተሃፍት እብ ድግለባይት እዴህ ጸብጠቱ ዲብ እንተ ዲብ ምድር ግፍትእት ጸንሐተኒ። ለእውድየ ቃዊ ዲብ ኣነ ዲብ እነቤዕ ግረ አቅመትኩ። ለምን ትወልድ ልሰዕ አርበዐ አምዕል ለይኣትመመት እሲቼመ ዲብ ምድር እብ እንቅራረ ልክፍት ዲብ እንተ አቅመትኩው። እንዴ ቀረብኩ ምን ረኡኩወ እት ምድር እብ ጀሌሕ ለዐለ ደም እንዴ ትከለለት፡ ዕንታተ እንዴ ኢልትከደን አሰክ ዐስተር ዲብ ለአቀምት ይብሰት ዲብ እንተ ረኡክው። ፋጥነ - ለዐለቅ ወለቼ ላኪን ምስለ ይዐለት። ምለዐል መውዒ ወእንቤዕቱ ልብዬ ለተዐመመ። ገርብዬ ሰክክሕ ጋብእ እት እንቱ ዲብ አካንዬ ኬን ወእንዘ ትገራጠጥኩ። ሐቆ እለ አናመ ዲብ ምድር ድብ እንዴ እቤ ወደቅኩ። በሰ ክምሰልሀን ግናዘት እግል እግበእ ለተርፈ ምንዬ ይዐለ። እግል እውሰፋ ይእቀድር። እሲቼ ለዲብ ኢያም ዒድ ሰርጊቱ ለዐለት ደሀቤ ዲብ ሰጋደ ልግበእ ወእዘነ ይዐለ።

ናይ ክለን መርዒ ወእማትመ እተ ክምሰልህ።

ሐዬ ወወድ ሕቼ ዐራት እንዴ ጸብጠው ገናይዝ ዲብ ደንኮ ምን ቅብላት ረኡኩም። እግል ልሰደውኒ እንዴ ነቀምኩምም ህዩ እግለ ገናይዝ እምዩ ወእሲቼ ሀረሰኩም። ለሰለሰ ውላጄ - እድረሱ መሐመድሰዒድ፡ ወአምነ ምነ ፈነ እንዴ ሀርበው ክምሰል ፈግረው ክም ኣመርኩ፡ ሓለት ፋጥነ ወለቼ ሻቀለተኒ። አየ አካን ክምሰል ህሌት እግል ኣምር ህዩ ሰካብ ሐገልኩ። “ወለቼ ኢረኡኪም?” ዲብ እብል ዲብ ዐድ እትረገሰ ወዐልኩ። እት ዶሉ በሊሰ ለሀይበኒ ላኪን ኢረከብኩ።

ፈጅራተ እሰቡሕ፡ አሰክ ሽከር ጀሚል ለትትበህል እሲት፡ “እለ ወለት ወለት መሐመድኑርተ።” እንዴ ትቤ፡ ምን ሕቅፍለ ማይተት ለጸንሐተ እሲቼ እንዴ ነሰአተ አሰክ ዐድ እመ (ቤተ) ክምሰል ነሰአተ ሰምዐኩ። ዲብ እትሸወር አሰክ ቤተ ክምሰል ጊሰኩ። እመ እግል አሰለ እንዴ ሐቅፈተ ሽከር ዲብ ተኣለትየ ወተትሓልየ ጸንሐተኒ።

አሰይድ መሐመድኑር፡ ምንኬነ ዐልነ እተ አፈትለ ድካን ምን ቅብላት አሰክለ ልትረኡ ለዐለ አብያት እት ለአቀምት እት ሕሳባት ትሸመመ። ለወክድ ዲብለ ቅርፈት እግል ሐድ ወቅት አዚም ወእስትንተን ትመደደ። ትንክረ ድግም ለመራር እግል ኢትትከረዕ፡ ዕንታቼ ዲብ ገጽ አሰይድ አሕመድ ያቅብ ወጀሀኩው። ህቱመ ለልሰዕ ወድ 11 ሰነት ጅነ ንኡሽ እት እንቱ ዲብለ ላዴሕ ደሚሩ ለሰወረየ ምን ልቡ ለኢትብዴ ከያል እግል ለሓኬ ዕንታቱ ዲብለ ድካን እንዴ ነድኦ እግል ገሌ ካልኢታት ትም ሐቀለ ቤለ ዝክርያቱ እግል ልበርብር እዩ አሰተብደ።

እሰቡሕቱ ለዐለ፡ ሱድፈት ዘብጥ ክምሰል ትሰመዑ፡ ኣነ ወምሰልዬ ለዐለ መለሀዬ እንዴ ሀረብነ ዲብ ሐቱ ቤት አቴኦ። ለእት ነሀርብ አቴነ እተ ቤት ናይ ዐድ መለሀዬ ቲ። አቡሁ እንዴ ሐ’መ ዲብ ዐራት እት ሰክብ ጸንሑኦ። ለዘብጥ ወለመውዒ ዲብ ዐልነ እተ ቤት ዲብ ቀርብ መጽኦ። ለቤት ጠረፍ ዐለት። ለዘብጥ እብ ጀሀት ዐዳጋቱ ለአሰተብደ። እብ ፈርሀት ዲብ ነርዐዴ፡ ለዘብጥ ዲብለ ዐልነ እተ ቤት አሰክ ልሸእግ ኢተሐረክኩ። ለጃሽ እግለ አብያት እሳት ቀሬሕ እቱ ዲብ ህለ ህዩ ዲብ ቤት እንዴ ገብኣነ ነአቀምቱ ዐልኩ። ዲብ ደንገቤ ለዐሳክር ዲብ ዐልነ እተ ቤት እንዴ መጽኦው ለምር ተክሊብ እሳት ቀርሐው እቱ። ዕንታትነ እብ ርዕብ ምንመ አፋዘዘ ክርንነ እግል ኢትሰመዕ ላኪን ኩስኩስ ይእንቤ። ለምር ተክሊብ እንዴ ነደ እት ባካትነ ለዐለ ብዕድ ተክሊብመ ለእሳት ለዴት እቱ። ለትልዒ ዐለት እሳት ምን ግራነ ክምሰል መጽኦት እት እንሸሕግ ምነ አካን እግል ኒሪም ጀረብነ ከዲብ ምር ምዕቃቅ ትከፊኦ። ለዘብጥ ልሰዕ ልተላሌ ዐለ። ለመውዒ ወነድ ናይለ ዐድመ እተ ክምሰልህ።

ክድመት ዓፍዩት ሐቅ ኩሉ መዋጥን ቱ! ሄለል ዲሰምበር እድንያይት ምዕል ኤይድስ

ገሽለት ኤች ኦይ ቪ ዲብ 80ታት ምን ትቀንጽ አስክ እለ ሐድ 35 ሚልዮን ነፈር እብ ሰብብ ኤይድስ ማይታም ሀለው። ብዕዳም 37 ሚልዮን ምስለ ኤች ኦይ ቪ ቫይረስ ዲብ ነብሮ ሐያቶም ሳይሮ ሀለው። ዲብ ሰነት 2016 ሴጠ 1.8 ሚልዮን ሐዳይስ እበ ቫይረስ ትጸበጠው። ወሐድ ኦሮ ሚልዮን

ኤች ኦይ ቪ ለነብሮ መዋጥኒን እብ መርመረ እንዴ ተአመረው እትሚ ሓላት ክም ሀለው እግል ለአምሮ)፡ 90% ምን ኤች.ኦይ.ቪ ክም ቦም እብ አኪድ ለተአመረው መዋጥኒን እብላ ትቀደረት እተ ሸፍገት ውቀት ደወ ድድ ኤች ኦይ ቪ(ምዕምር ለለትራይም ደወ) ክም ለአነብቶ እግል ልግበእ፡ ክምስልሁመ ምን

ውዛረት ዓፍዩት ለገብአ ድራሳት ወእብለ ትፈናተው ጀሃት ለትጀመቦ ተቃረር ክምለ ለሐብሮ ፡ መትጸባጥ እብ ኤች ኦይ ቪ ዲብ ኩሉ ዓማር እብ ርእዮ ናቅስ ሀለ። ፈድል ናይለ ርክብት ለሀሌት ፋይሐት ክድመት አድውየት ድድ ኤች ኦይቪ ወውቁል መትነፊዕለ አድውየት እብ ኤይድስ ትጀራ ለነብረት ሞት ሰኒ ወአማን ሐደት። ዝያድ 85% ዲብ ኤረትርየ ለሀለየ ዐመሲ እብለ ገብእ እለን ለሀለ መርመረ ኤች ኦይ ቪ ለቫይረስ ሀለ ዲብን እግል ልትአመረ ወክም ተአመረየ ለትገብእ እለን ዋጅቦት መራዐየት ዓፍዩት ምን እም ዲብ ውላደ ለልትረኤ ዐደዮ ናይለ ቫይረስ እትለ ትደሀረት ደረጃቱ ክሩይ ሀለ። በርናመጅ ህዳይ ለቦም ቀደም ህዳዮም ለወድም መርመረ ኤች ኦይ ቪ፡ ክምስልሁመ ሓላትክ እግል ትድሌ እብ ምራድ ኖስ ለገብእ ናይ ደም መርመረ እትለ በዘሐ መአሰሰት ዓፍዩት ለክድመት ውጅድት ሀሌት። ዲብለ ሐልፊየ 10 ሰነት ሴጠ ዝያድ ኦሮ ሚልዮን ለገብእ መዋጥኒን ሓላቶም እግል ልድለው ቃድራም ሀለው። እሊ ሴጠ ኢኮን መትጸባጥ እብ ኤች ኦይ ቪ እግል ለአውሕድ ለቀድረ። ተውዘዕ ናይ ቦቃዐት ለቡ ኮንዶም፡ እብ ጅመዕ ለለዐዴ ሕማማት እት አገዳት ጀላብ እግል ልትዳዌ ክድመት ሻፍገት ሂበት፡ ሽዑብ እብለ ሕማም ለሀለ እሉ ፈሀም እግል ልትወቀል ለገብእ ናይ አትፋዘዕ ወራታት፡ ምህሮ እግል ሰናት እብ ሰናት ሂበት፡ ደም ምን ሕማማት ናጊ አዳለዮት ምንለ አግደ ዲብ አውሐዶት ረክስ ኤች ኦይ ቪ ግዴት ዐባይ ለወደ ወራታትቱ። እብ ሰብብ ኤይድስ ለየተመው አጀኒት፡ ምስል ኤች ኦይ ቪ ለነብሮ መዋጥኒን፡ ዓይለት ለለነብረ ግዱዓት አንሳት ገብእ ለጸንሐት ሰዳየት ማል እብ እቅትሳድ ናሶም እግል ልቅደሮ ትገብእ ለጸንሐት ሰዳይት መንበርሆም እግል ትሒስ ወዓይላቶም እግል ልስዮ ብዙሕ ነፍዑ።


ብዝሓም እብ ሰበት ጠባዕዕለ ሕማም፡ አግቡይ ዐደዮሁ ወዳፍታቱ ለሀለ እሉም ፈሀም ቀሪነ ለነቅስ ምን ሰበት ገብእ፡ ሓለቶም ለይደለው መርመረ እብ ምራድ ኖስ ዋድያም ለይለአምሮ ብዝሓም ሰበት ሀለው ዲብ ኤረትርየ እት ኤች ኦይ ቪ ራክባመ ለሀሌነ ዐውቱ ለተአሰክብ ኢኮን። ክም ልብ ለለቀሴ ሕማም እንዴ ረኤናሁ፡ ብዙሕ አግል ንሸቄ ዲቡ ለብነ ጋራት ክም ተርፈነ አመሮት ሀይ ምህምቱ።

አዚመ ሽዑብ ፈሀም እግል ልውሰዕ ወልቀራ ለትሐዜ ሀለ። ኤች ኦይቪ ከፎ ክም ለዐዴ እንዴ አመረ ገብይ ለእበ ከርዖ እግል ልባሰር፡ እብ ንዙም እብ ምራድኖስ መርመረ ደም እት ወዴ ሓላት ዓፍዩቱ እግል ለአምሮ፡ ኤች ኦይ ቪ ለጸብጠዮም አገድ ድድለ ቫይረስ ላቱ ደወ እንዴ አንበተው ደዋሆም እብ ጅድዩት ዲብ ታቡዕ እግል ልንሱእ፡ ኩለን ዐመሲ መርመረ ኤች ኦይ ቪ እግል ሊደየ ኖሱ እግል ልትዐንደቅ ጽዋሩ ፈሀም ክም ገብእ እግል ኒዴ ለትሐዜነ ሀለ። እለን ጋራት እለን እት መዓለን አውዐልናህን ምንገብእ፡ ዲብለ

እለ ሳታም ሀሌነ ሰለስ በሕ እግል ኢንብጸሕ ለትከረዐነ አለቡ። ሰለስ በሕ በሀለት፡ በሕ እብ ኤች ኦይ ቪ ለልትጸበጦ ሐዳይሱ በሕ እብ ሰብብ ኤይድስ ለመይቶ መዋጥኒን፡ ወበሕ እብ ሰብብ ምስል ኤች ኦይ ቪ እብ ነቢሮም አዳም ለረይምም መዋጥኒን። ሎም ሰለስ በሕ እብደ ልትበጽሑ ምን እንብል እብ እብ ክድመት ሳምረት ወፊህም ውቁል ሌጣቱ። ሰበት እሊ እተ እለ ነሐዜ እግል ንብጸሕ፡ አፍራድ፡ ዓይላት፡ ሸኪክ እብ ዓመት ኩለ ወጠን ወኩለ ዐለም ሕበር ክም ሐቱ እዴ እንዴ ገባእን እግል ንሸቄ ብዙ። ዶልክ ምስል መርሐለት ለናሱብ ዐገል ወበራምጅ ዲብ ነአፈግር፡ ሸቅልነ እብ ጅድዩት ዲብ እንገይምም እብ ኩሉ ደቅብነ እግል ንሸቄ እብለ መናሰበት እድንያይት ምዕል ኤይድስ ውዛረት ዓፍዩት እብ ድማማን ትላኬ።

እድንያይት ምዕል ኤይድስ እብ ደረጃት ዐለም 29ይት ሰነተ ትዘከር ዲብ ሀሌት ዲብ ኤረትርየ ሀይ 24ይት ሰነት እንፈቅደ ሀሌ።

ውዛረት ዓፍዩት 01 ዲሰምበር 2017



አዳም እብለ ቫይረስ ለሰበበዩ ድዕፍ ወምኑ ለተለ ሕማማት ሞተው። እሊ ዓላብ እሊ ገርብ ለሰክክ ምኑመ ምን ገብእ እትሊ እያማት ቅሩብ ላቱ ገሌ ሰእየት ለለሀይብ ቴለልመ ልትረኤ ሀለ። እብ ኤች ኦይቪ ወኤይድስ ለትጀራ ሞት እብ ሰር(50%) ናቅስት ሀሌት። ሐዳይስ እብ ኤች ኦይ ቪ ለልትጸበጦመ ሰኒ እት ልውሕዶ ገይሶ ሀለው። ዕምር ለለትራይም ድድ ኤች ኦይቪ ደወ ለነስኡመ ዕልቦም እት ወስክ ገይሶ ሀለ። እትለ መደት እለ 19.5 ሚልዮን ባጽሓም ሀለው። እሊ እግል ኖሱ እግል ገሽለት ዲብ ሀወኖት ግዴት ዐባይ ወዴ ሀለ። ዲብ ድወል ብዝሓት ዐደዮ ኤች ኦይ ቪ ምን እም ዲብ እት ጅናህ እት ነቅስ ገይሶ ሀለ ሴጠ እንዴ ኢገብእ፡ ገሌ ድወል ኖሱ ኩሉ ሰሙ ክም ኢለሀሌ እግል ሊደየ ቃድራት ሀለዩ። እት ሰነት 2014 ናይ ሕበር በርናመጅ መራቀብት ኤይድስ መነዘመት መጅልስ ቅራን፡ ገሽለት አው ረክስ ኤች ኦይቪ እት ሰነት 2030 እግል ለአክትም ለሰለስ 90% ልብል በርናመጅ ዲብ ለበዘሐ ድወል ሰኒ ልትሰርገል ሀለ። እሉም ሰለስ 90% መዕነቶም ክእናተ፡ እት ሰነት 2030 ምን ምስል ኤች ኦይቪ ለነብሮ መዋጥኒን መርመረ እንዴ ወደው ሓላቶም ክም ለአምሮ እግል ልግበእ ለልትቀደር እበ ገብይ አዋፍሐት(ለዲብ መጅተመዕ ምስል

ኤች ኦይ ቪ ክም ሀለ እቶም ለተአከደ ከደዋሆም ለአንበተው መዋጥኒን፡ 90% ምንለ ዲብ ደዋም ለሀለ ብዝሐ ቫይረስ ኤች ኦይ ቪ ሰኒ ወአማን ክም ትደሀረ ወለቫይረስ ናይ ዓደዮት ደቅቦም እትለ አደሀረት ደረጃት ክም ትከረ አከዶትቱ። እብ ደረጃት ዐለም ምንለ ምስል ኤች ኦይ ቪ ለነብሮ ክልኦት መሰለስ ሓላቶም ለአምሮ ዲብ ሀለው፡ 77% ሀይ ድድ ኤች ኦይ ቪ(ዕምር ለለትራይም) ለአንበተው ቶም። ሐድ 82% ሀይኒ ለቫይረስ ዲብ ደዋም እብለ ደወ እንዴ ትጨቀጠ እብ ቀላል ክም ኢለዐዴ ጋብእ ሀለ።እሊ ብጹሕ ለሀለ ሰርገል ላኪን ምስለ እብ ደረጃት ዐለም ዲብ ክል ምዕል 5000 ሐዳይስ እብ ኤች ኦይ ቪ ለልትጸበጦ ዶል ልትረኤ ድድ ኤች ኦይ ቪ እግል ልግበእ ለወጅብ ጸገም ወአትፋዘዕ ራሐት ለለሀይብ ክም ኢኮን።

ዲብ ኤረትርየ ዐድነ ረክስ ኤች ኦይ ቪ ወእብ ሰበቡ ለትጀራ ሞት እግል ትውሐድ እብ ማርሒት ውዛረት ዓፍዩት ወመሻረከት ናይ ወጠን ወኻርጅ መነዘማት ወመሓብር ላተን ሰብ ሸርከት ምን ኢተት እስትቅላል ለትጸበጠ በርናመጅ ወጠኒቱ። ፈድል እሊ ሰኒ ለትመቅረሐ በራምጅ ዲብ ኩሉ መጃላት መራቀብት ኤች ኦይ ቪ ኤይድስ ቀላል ሊኢኮን ነቲጅት ርክብት ሀሌት። እብ

ገሌ ሐብሬ እብ ሰበት ኤች ኦይ ቪ ኤይድስ ዲብ ኤረትርየ

ሄለል ዲሰምበር እድንያይት አምዕል ኤይድስ “ ከደማት ዓፍዩት ሐቅ ክሉ መዋጥንቱ “ እበ ትብል ሰቅራት እብ ደረጃት ወጠን ዲብ መዲነት ባጸዕ ትዘከረት።

ፈድልለ ኤች ኦይቪ ኤይድስ እግል ልትሀወን ወእግል ልሰረት ገብእ ለጸንሐ ጅህድ ሽዑብ ወሕኩመት፡ ቅያስ መትጸባጥለ ሕማም እብ ደረጃት ወጠን ዲብ ምንተሐት1% ክም ትከረ፡ ዲብ ዐመሲ ሀይ 0.28% ከም ትከረ፡ እሊ ሀይ ዲብ ቀበት 12 ሰነት እብ 87% ከም ነቅስ ለለአርኤ ክም ቱ እት ምዕል ተሐበረ።

እትሊ ወክድ እሊ ሐድ 9 አልፍ ምስለ ቫይረስ ለነብሮ መዋጥኒን ዕምር ለለአረይም ደወ ነስኦ ሀለው።

ቅያስ መትጸባጥ አንሳት እብ ዓመት፡ ፈያቲብ ሀይ እብ ፍንቲት ዘይድ ሰበት ሀለ፡ ለእብ ደረጃት ዐለም 2030 እግል ልትብጸሕ ኢቱን ለሀለ በርናመጅ አህዳፍ ዐቦት መርሀዮ” እግል ልትሐቀቅ ጅህድ ሕበር እግል ልዕቤ ዲብለ እድንያይት ምዕል ኤይድስ ሊከ ትቀደመት።

ለእት ባጸዕ ገኦት መናሰበት ዲብ እብ ደረጃት አቅሊም ቅ/በ/ቀየሕ ዲብ 2005 ሐድ 3.4% ለዐለ ቅያስ መትጸባጥ፡ እትሊ ወክድ እሊ ዲብ 0.39% ከም ትከረ ተአከደ።





አሳር

ውርስ ሰዋልፍ ዘበን ምግባይ እት ኤረትሮየ

እስትራቴጂያይ መካሪት ኤረትሮየ እት አግዳም በሐር ቀየሕ፣ እግል አቲ ዐባዩ አድያን ክስታን ወእሰላም እት ዐድነ ምነ ሰደ ጋር ተ። እግል እለ አማን እለ ለልክክድ አሳር፣ እት ክል ክፈል ኤረትሮየ ወእት አግዳም በሐር ልትረከብ። እሎም ዐባዩ አዳያን እሎም እት 1ይ ክፈል ዘበን ሐቆ መትወላድ ነቢይሃ ዒሰ ዐለይሂ ወሰላም እት ዐድነ ለአተው እት ገብኤ ተአሲር እሎም አድያናት እሎም ህዩ ምን አግዳም በሐር እንዴ ሐልፈ እት ብዙክ ክፈል ቅብለት ቀር አፍሪቅ እግል ሊፈሕ ለቀድረ አግደ ሐደስ ናይለ ዘበን ለሀይ ተ። ምግባይ ዘበን እንዴ ትበሀለ ለልትአመር ክፈል ታሪክ ህዩ እብ ፍንቱይ እግል ውርስ ሰዋልፍ እንዴ ሰመ እግለ ምስል እሎም ዐባዩ አድያን እንዴ ትጸበጠው ለመጸው ሰዋልፍ ዓዳት ወታሪክ ለልሐብር አሕዳሴ ምን ምጸት አድያን እት ዐድነ አስክ 15ይ ክፈል ዘበን ለሀለ ወክድ ልትጌመም። እትለ መርሐለት እለ ለትረክ ተቅዩራት ሰዋልፍ ወመሐበራይ እቅትሳድ ለልሐብር ቴለል ተ።

ዲን ክስታን እት 4ይ ክፈል ዘበን ሐቆ መትወላድ ነብዩላህ ዒሰ ዐለይሂ ወሰላም እት ዐድነ ክም አተ ልትአመር። አግዳም በሐር ቀየሕ ወክበሳታት ኤረትሮየ ምነ ሳልፋያም አሳር እለ ምህም ሐደስ እለ ለገብኦ ታሪክ ለቡ ክፈል ቀር አፍሪቀ እት ገብኤ ኤረትሮየ ምነ ሳልፋያት እት እዲነ ናይ በዲር ተረርፍ አሳር ዲን ክስታን እት ከርሰን ሓቅፋት ለህለዩ ድወል ወድዩ።

እብ አሳስ እለ ህዩ፣ እግል ቅድምነ ሸክል ዲን ክስታን ለሸርሕ አሳር አግደ ህዩ እት ቅዱም ገደማት ወአብያት ክስታን ልትረከብ። እብ ብዕድ እንክር፣ ምስል እለ እንዴ ትጸበጠ ለገይሱ እግል ሩሕ ሰማያውዩ ለእት ከብድ ገደማት እግል ብዙክ ስኒን እንዴ ተአከበ ለጸንሐ፣ ምስል

ዲን ክስታን ለልትጸበጥ ለመድ ለወክል ጽበጥ ክፈል ናይ እለ ታጅር ሰዋልፍ ተ። እሎም ምን 5ይ-6ይ ክፈል ዘበን ሐቆ መትወላድ ነብዩላህ ዒሰ ዐለይሂ ወሰላም እንዴ አንበተው ሸክል እግል ልጽበጦ ክም አንበተው ለልትሀደግ እቦም ገዛማት (ሰርዐታት) ወለመድ እግል ጽበጥ እለ ሰዋልፍ እብ ምርት እንክር ወዶር እሎም ገደማት ወአብያት ክስታን እት ዓቅቢቶም ወረዘቀት እለ ዝሕርታት እለ ህዩ እብ ብዕድ እንክር ለልክክድ ተ።

ምስል ዲንያይ በዓላት (ሐውልያት) ገዛማት ክምስልሁመ ምስል ዲንያይ ወምህር መንፈስ ለልትጸበጥ እግል ስኒን ብዙክ ለትጸበጠ ለመድ እግል ገሌ ክፈል ሸክል ለመድ ሸዑብ ኤረትሮየ ወክል።

ናይ በዲር ገዳማት ወአብያት ክስታን እብ ዓመት ሰዋልፍ ዓዳት ክም ከረ ቅዱም ሰዋልፍ ፈን፣ ሸክል ብእ፣ ነውያት ቅዱሳም ክምስልሁመ ናይ መንፈስ ወአድያን ሰርዐታት እትሊ ጋር እለ ምነ ዐቢ ዶር ለተልሀው ቶም። እት ብራናታት (እት ቅራብ ለትክተብ) ለትወሰቀው፣ አሕዳስ ታሪክ፣ ናይ ዓዳት አሳር ወጽበጥ አድያን ምስል ሸክል ብእ እንዴ ትጸበጠው ለገይሶ ቶም። እግል መስል እግል ቅዱም አሳር ሰልጠነት ክስታን እት ቀር አፍሪቀ ለወክሎ ቶም። ዐቦት ክታቦት ግእዝ ወታምም ሕሰቡ፣ አምር ክቱብ/ፈን ግእዝ ህዩ እበ ብዕድ እንክር ተአሲር ዲን ክስታን ለሸርሕ ተ።

መሻቀዩታት ቅዱሳም አሳር ወለ ተሐፈዘ ዐጭሞታት ቅዱሳም (mummies- ድማን)

እግል ሸክል ብእ ምግባይ ዘበን ለወክል መባኒ ቅዱም ገደማት ወአብያት ክስታን እግል ናይ

ቀበት ዐድ ሸክል ብእ (Local architecture) ምስል ዐጃይብ ጆሚትርያይ በህለት ሀንደስት ሸክሎ እንዴ ትጸበጠ ዲን ክስታን እት ዘበን ለሀይ እንዴ አቅበልነ ዶር ሐዳረት ዲን ክስታን እት ዐድነ ወቅብለታይ ክፈል ቀር አፍሪቀ እብ ሐዱ እግል ገፍሀም ሰዱ።

መባኒ ቅዱም ገደማት አብያት ክስታን ወዐጃይብ አድያን ምስል ተአሲር ሰልጠነት ክስታን እንዴ ትጸበጠው ምን ጋና ለትወረስ ለመድ ወለ ናይ በዲር ገጽ እንዴ ጸብጠው ለገረመው እንረክቦም። እት ሕዩዋ ወአንሐሰ ገዳማት ወአብያት ክስታን ለአገረመ ረስም እግል ዶር ዲን ክስታን እት አካናት አሳር ቅዱም አዱሊስ ወመጠረ ክምስልሁመ እት አብያት ክስታን ኪዳኔ ምህረት ሰንዐፊ። እት በራክና፣ ቢሐት ወእሎም ለመስሎ ውሱቃም እንረክቦም።

ቅዱም ገደማት ኤረትሮየ እምበል እለመ ለእብ ዐጭሞታት ቅዱሳም ለልትአመር ሀዩክል mummies እት ከብደን ሓቅፋት ልትረከብ። እለ ምስል ዓቅቢት ገናይዝ ለልትጸበጥ ገዛም mummification ለልክትዐጅብ ጋር እት ገብኤ ዶር ዲን ክስታን እብ ሐዱ ለሐብር። አሳስ እለ ለመድ እለ እት ኤረትሮየ አስክ እለ እብ ዋድሕ እሙር ምንመ ይህሉ፣ እብ አፍ ለልትበህል ዓዳት ወሰዋልፍ ክምስለ ለሐብሩ ምስል ምጸት ለስዕ ቁዱሳም እት ኤረትሮየ እት ዐድነ ክም አተ ልትሸረሕ። እት ገዳም ደብር ሃዋርያት፣ ሃም፣ በራክና በክዓር ውብዕዳም እቶም ለትወሰቀ ዐጭሞታት ቅዱሳም ክፈል እለ ውርስ እለ ተ። ቅርድ እለ ለመድ እለ እብ ዋጅብ እግል አመሮት ብሐሳት ለልሐዜ እት ገብኤ፣ ሀለዮት እለ አሳር እለ እት ቅዱም ገደማትና ላኪን ዶር እለን ገደማት እት ሓፈዙት ቅዱም ለመድ ምጅተመዕ ኤረትሮየ ለልክክድ ተ።

ልተላሌ ...



ሓምድ ወድ ዐማር ለልትበህል ሓልያይ ምን ዐድ ተክሌስ ዐድ እሙ ምን አቤተዎም ለሐለዩ ሕላየት ክእነ ትብል፡-

ሓምድ ወድ ሓጅ ኢወልዳ ቱ አባይነ መሐመድ ልትበክር

ፋርሃም ዲቡ ህሌነ ለኢረክበዩ ምን ምረሐር ወለት ዐማር ለወልደ ረቢ ደሌ ልትመሰል ዐድነ አግዱብተ ዕሌቱ ንደእ ኢኮን ወጀፈር

ለገሌ ልትመነሕ ወለገሌ ልትፈጨል ለገሌ ርዕዮ ወድዎ ከእት ለንዋይ ልትፈረር እብ እድረስ በዐል ገጻ ቱ ሞርሀ ጸብጥ ቱ ወገፍተር

ተናክፎ ለወድቀ ኢሀይቦ እብ መድበር አክል ዐድ ሕድ ሀይቦም ድቡር ወሹም በዐል መምበር

እንዶ ረፍዐ መጸአክ ኖሱ እንዶ ልትቀለል መሐመድመ ወድ መሐመድ አክል ረአሱ ልትገደል

ሐሊብ ወአቱ ልስቱ ወክቦቡቱ ትትበሽል መስከብ በኑ ለለአቱ እብ መሐገዝመ ሚ ኢልትቀዐር

ዐድ አቦትነ ቶም ሰብ ለዓሊት ኢእንፈቱ ልትወገር አብ ኢብራሂም ጽዱቅ ቱ ከንፈር ከአፎ ትትበደል እት አካኑ ጸነሐክ ወሊበስ እትከ ወልጥለል መሐመድ ወድ ሕመድ ሸማግላይቱ ምን አሰል ዐገበ ወሰይፍ ቄጦ ጸርብ ቱ ወመምበር መሐልክ ናስእ ኢኮኔ ለሐፈት እግል ትደረር እምበል ወልዱ ሚ ሐይሶ በኪትመ ላቱ በዐል ጭገር

ኢእቤለ እብ ቅብጥር ለጋሻይ መሐመድ ልደረር ሐሊብመ ወልዱ ምን ሐሰ ምዱን ደነ ወሰምሀር እሸማዒል ወድ አድም በትዕ መስል ወሸክር ምን ረክብ ሀይበክ ምን ሐግል ልሰሐቅ ወልደአል ዐብደለ ወድ ሃሮን ክም አባዩ ልደበር ለጉሙይቱ መሰለም መአዜ ገይስ ምን አለል መንገአት እናስ ኢጸብራ ቱ ግድዐት ምንዲ ትሰረር ሓምድመ ወድ ሕመድ በጥር እሉ በዐል አከር ሕሚት ዳብእ ቱ ወሐምዴ ዐባይ ካርዕ ቱ ወመረር እድረስ ወድ መሐመድ ሸግራይ ዲብ መን ልትዐደል

አብሁ ጾም ወሰላት ወህቱ ጋሻይ ልትሐደር ሰእያም እግሎም ህሌነ ፈንጎሕ አምዕል አልመዕሸር ሙስ ወድ ዐድ ዐሊ ለሀይ ሀለ ልትሀውለል ፍሬ ቅንጽል ሚ ኢትወዴ ፍሊትመ አስክ ትትበከር ንጸበር ህሌነ ወልግደን ዲብነ ወልቅዘር።



ጊዜያዊ ጥያቄ



ኤች.አይ.ቪ/ኤይድስ ክል ሻብ እግል ልትሀመሉ ለአለቡ አከይ ድስ

እለ እተ እነብር ለህሌነ ፕላኔት ምን ትትከለቅ ወሐያት እት ረከሰ ተኣትብት ወድ ኡዳም እለ አዜ ለህለ እተ ደረጀት እግል ልብጸሕ እብ ብዙሕ መራሕል ሐልፈ. እተ፡ ለሀይክ እግል ለሀይ እት በድል ወለአበዴ እለ ዮም ባጽሓመ ለህሌነ ደረጀት ባጽሕ እንረክብ። ዮም ምስል ዐቦት ቲክኖሎጂ ወመትቀዳም ወድኡዳም እት ፈሀም ወመትነፍሶት ዕሉም እዱነ ቅርዱ እግል ለአብዴ ለትብገሰ ብዙሕ ሕማማት ምንመ ህለ፡ ለአግደ ላኪን ሕማም ኤይድስ ጋብእ ህለ። አማንቱ እትሊ ወክድ እለ ሕማም ኤይድስ ምስል ብዕድ ለኢሊሐዬ ሕማማት ልትመጣወር እት ህለ፡ እተ ሳልፋያም ለሐምስ እግል ልትከሬ ቃድር ምንመ ህለ፡ እለ ሕማም እለ ላኪን ዝያድ ብዕድ ሕማማት እንዴ አማደደ እት እጅትማዕዩት፡ እቅትሳድ፡ ዐቦት ወመትቀዳም ሐቲ ደውለት እበ ተኣስር ገበይ ልልዔ ሰበት ህለ፡ ዝያድ ክሉ ፍንቱይ ወድዩ፡ እግልሚ እለ ሕማም እለ ለእግለ ደምር ጀህት አግደ ዝበድለ ምጅተመዕ ለገብአው ሽባን ሰበት ታ ቲ።

ሕማም ኤይድስ እት ኤረትርየ ምን ለአቲ ዝያድ ርቡዕ ዘበን ሐሉፍ ህለ፡ እትሊ ረዩም ወክድ እብ አላፍ ለልትዐለቦ ሽባን ናስእ ክም ህለ ክሉ ለልአምረ አማንተ።

ሻብ እብ ጠቢዐቱ ክል ሐዳስ እብ እዴ ኖሱ እንዴ ታየነ እግል ልአምረ ለልሐዜ ክፈል ምጅተመዕነ ሰበት ገብእ፡ እንዴ ኢልሓስብ ወኢመይዝ ቱ ምስዳር ሻፍገት ለነሰእ። እለ ህዩ እት ክእነ ለመስል ቱለል ክምስለ እት ከረ ጀርቤ ለቀም ለትብህል ታመት ሕሰበት “ናይ ሰልፍ ከግክ ናይ ኣክር ሐያትክ” ለትመስል ገበይ እበ ልሄርር ክም ህለ እንዴ ኢፈዋን ሰበት ለአቲ እተ ለናይ ሰልፍ ከለጡ ናይ ኣክር ሐያቱ ለትነሰእ ካልኢት እተ እግል ልእቲ ልትናየት ጸንሕ ቲ።

እለ ታመት ሕሰበት እለ ቀደም እተ ወራት ትትብገሰ ለዘተ ኡዱርክ ምንገብእ ክሉ ለልትሐዜ መትዳላይ ወመደጋግ እግል ቲዴ ገበይ ለትሀይቡክተ፡ ምናተ ለዘተ ይኡዱርክ ምንገብእ እተ ሽረክ እንዴ አቲክ ጀዛለ ነሰአኳ ምስዳር እግል ትንሰእ እንዴ ኢትፈቲ ትዳሌ እግለ።

ለሐልፈተነ ሳምን ሄለል ወርሕ ዲሰምበር አምዕል ኤይድስ እብ ደረጀት እዲነ ወደረጀት ዐድነ ዝክርት ዐለት። ኤረትርየ ምን ደውለት ገብአት እግል እለ አምዕል እለ እግል ተዐይደ ምን አንቡተት ምን እዲነ እብ 6 ዶል እንዴ ተኣከረት እግል 24 ዶል

እት መዲነት ባጽዕ ዝክርት ክም ዐለት እት ወሳይል እዕላም ሳምዓም ዐልኩም፡ ኤረትርየ ህዩ ምስለ ሻይረስ ለነብሮ መዋጥኒ እትሊ ወክድ እለ እት ምተሐት ሐቲ ምእተይት ክም ደሀረ ሽርሕ ህለ፡ ምን እለ ዕልብ እለ ህዩ ለ0.28 ምን እም እት አግሩዝ እት ወክድ ዕምስነ ወሕርስነ ለተዐደ ክምቱ እት ልትአመር፡ ለተርፈ ላኪን ለበዝሐ ክፈሉ እብ ገበይ ጅመዕ ለመጽእ ወእግል ሽባን ለአድምዐ ዕልብ ቲ። እብለ ልግበእ ወእብ ሌሀ እለ ሕማም እለ እግል ሽባን አረይ ለወዴ ሕማም ቱ ምን እንብል ምን አማን ኢሪም።

ከሽባን መዳፍዐት እግል ወጠን፡ መፍርየት፡ ዕሉማም



ወናይ ምጅተመዕ ዘበድ ሰበት ገብአው፡ እትሊ ሕማም እለ እግልሚ ልትካረው ወምን ሽባን ህዩ ለበዝሐው ምስል እለ ሻይረስ እለ ኑብሮ ለህለው ምን ቶም እንቤ ምንገብእ፡ እት ዓቅቢት ወጠን ለልትረከቦ አንፋር ቅዋት ድፈዕ ላቶም ሽባን ምን ሰልፍ ለልትረአው ሽባን ገብእ እት ህለው፡ ግራሆም ህዩ እብ ለትፈናተ አሰባብ ምን ተዐለም እንዴ ፊመው እት ናይ ብሕተ አሽቃል ለትፈረረው ወሽመሽ ምን እት ካልአይት ደረጀት ለልትረከቦ ቶም። እግልሚ እሉም እብ ምስምስ ትጃረት ወብዕድ አሽቃል ምን መዲነት እት መዲነት እት ልትሐረት ምስል ለትፈናተየ አንሳት እግል ልትዋጅሆ ለዐበ በክት ሰበት ቦም ወእለን ለምስለን ልትዋጅሆ አንሳት ፋያቲብ ገብአየ ምንገብእ ለዐበ በክት ናይ መትጸባጥ እብሊ ሻይረስ እለ ለቦም ገብእ። ዝያድ ለሻቅል ጋር ጋብእ ለህለ ላኪን እብ ገበይ እምርት እትሊ መጃል እለ ለኢትፈረረየ አንሳት እት ሽዋርዕ ዐባዩ መዳይን ዐድነ፡ አብያት ኖስ ወብዕድ አካናት እንዴ አትዳላየ ሽባን አረይ ወድየ ለህለየ እት ዐደየትለ ሻይረስ እዴ ዛይደት ለበን እት እንተን መጽአ ሰበት ህለየ ምነ ሻቅል ጋር ጋብእ ለህላ ቲ።

እት ዐስከርየት ለህለው ሽባን እብሊ ሻይረስ እለ እንዴ ትጸበጠው እግል ልሕመዋ ለህለ እግሎም በክት ሰኒ ወአማን ብዙሕ ቲ፡ እግልሚ እብ ደረጀት እዲነ

ርኤነ ምንገብእ ክል ዐስከሪ እት ሽርም እለ ሻይረስ እለ እግል ልትከሬ ለአሰባብ ብዙሕ ሰበት ገብእ ቲ። ለበዝሐው ሽባን እት ዐስከርየት ለልትረከቦ እት ደሞም ለሻይረስ ክም ልትረከብብዙሕ ብሐሳት ለሐብር።

ከእለ እት ዓቅቢት ወዐማር እለ ወጠን ለትብገሰ ሻብ እት ደሙ እለ ሻይረስ እለ ትረከብ ምንገብእ አክልአይ ከሳር እት ሐቲ ደውለት ክም ከልቅ እግል ንኣምር ዶል ንሰአል፡ ለበሊስ ዕልብ ለአለበ ከሳረት እግል ልሰብብ ቀድር ለልብል ቲ። እግልሚ እለ ሻብ እለ ወቀዩ ብዙሕ ወእት ክሉ ተኣስር ሰበት ወዴ።

ወጠን እግል ተህሌ ገለብ

ወኮናት ለገብእ እግለ እብሊ ህዩ ምን ዐድ ወክደን ለትመጸአ ጸብኢት እንዴ ከርዐ ሰላመ ወሰክብተ ለልአክድ እት ዐቅቢተ ለትፈረረ እግለ ዐስከሪ ቲ። ህቱ ሐቆ ይህለ ህዩ ምን ከደነ ወክርስ ሰካብ ትሰእን ወተርህ፡ ፈታይ አባይ እንዴ ገብአት ህዩ ፈውደት ትጠወር እተ ወመስኩብተ ትትሐምረግ፡ ክም ፍገሪት እለ ሕሙመ ወሕያየ ዲማ እት ሽቀላት ሰበት ልትካሬ እግል ልሰለም ወልስኩብ እንዴ ሐድገየ እግል ልህረብ ወልስኪ ምነ ልትጀበር።

ረሐመት ለአለቦም ጀራይም ለፈቱ ሐሽምት እንዴ ትከለቀው ሕማማት እብ ሽፋግ ክም ልልዔ ወእት ሰላመት ምጅተመዕ እሳት ለቀርሕ ወደዲት ክም ዘማቴ፡ ቃጫፍ፡ ቃቃል ወብዕድ እግል ልአማድድ እብሊ ህዩ ዓዳት ወሰዋልፍ ምጅተመዕ እግል ልትሐምረግ አሳስ ከሬ፡ እለ ህዩ እት ዐቦት ወመትቀዳም ሐቲ ዐድ ምነ ደማር ዳይመት ለክልቅ ጋር እት እንቱ ለአተላሌ።

ሽቅል እግል ልትሸቆ እግል እለ ሽቅል ለትገብእ ሐለት ሐቆ ሐወነት ህዩ ዐቦት እት እቅትሳድ፡ ብንዮት ትሕትየት፡ ሰዋልፍ ምጅተመዕ ወእዳረቱ ሰበት ኢትትኣከድ እብ ምሮ እንክር ወእበ ብዕድ እንክርመ፡ እብሊ ሕማም እለመ ለኢትጸበጠ ክፈል ምጅተመዕ እብ ለትፈናተ አሰባብ ክም ከረ ሕግላን ነብረ፡ ማይ ሲቶ፡ መስክን ወብዕድ ዝሕርታት ሰበት ልተምተም እግል ልሰረት

ወልብዴ ቀሊል ቲ። እግልሚ ነዳፈት ወካፍየት ሙነት ትሰአነት ምንገብእ እብ ዕልብ ታምም ለነሰእ አምራድ ክም ከረ ፍጋር ወእግሉ ለመስል እብ ሽፋግ እግል ልልዔ ወአዳም እግል ለአብዴ ሰበት ቀድር። ከእለ እት ድፈዕ ወዐማር እለ ወጠን ለትብገሰ ወክም ሽፈት እግል ሰላመት ወመስኩብት ዐዱ ግልቡብ ለህለ ሻብ ወሻበት ምን እለ ሻይረስ እለ እግል ልድሐኖ ወምህመቶም እብ ዋጅብ እግል ልአትሙማ ሚ ለአትሐዝዮም ገብእ? ለልብል ሰኣል እግል ንብለስ ምህምቱ መስለኒ፡ ምህመቶም ዐባይ ሰበት ገብአት ዝያድ ለገብእ ነፈር እህትማም እንዴ ሀብናሆም እትሊ ሻይረስ እለ ለህለ እግሎም ፈሀም እግል ልዕቤ ሰበት ወጅቡ ክል ነፈር እበ ትትቀደሩ አትፋዝያት እግል ሊዴ እግሎም ህለ እግሉ። ለገብእ አትፋዝያት ህዩ ሽዑርም እበ ኢተምትም እብ ገበይ እንዴ ትዳለ እግል ልትቀደም ወጅቡ። እት ፈያቲብ ለኢልሄሮ እቡ በሰር እግል ልትባሰር ህለ እግሉ። ምን እለ እግል ልትባልሐ ህዩ እግል ልህደው አትናያት ወሰዳይት ለአትሐዝዮም። እምበል እለመ ለሃድያም ምስል ዝሩፎም እንዴ ትረኣ ዐደም እግል ልብጸሐ በክት ካሬ እግል ልትዳሌ እግሎምቡ። ትቀደራመ ምንገብእ አንሶም እተ ህቶም ለነብሮ እቲ ድዋራት እግል ለህልየ ምስሎም፡ ለይሀደው ህዩ ቀደም ክሉ ሰዋልፍ ምጅተምየም እቲ እብ ዋጅብ ክም ለሐፍዞ ወእት አድያኖም ክም ተርዶ ዊደትመ ምህመት ዐባይ ቡ።

ምስል እለ ክሉ ለእግሉ ፍሩራም ህለው ሀደፎም ክም ለአሌሉ ለወድየም አብሳር ወከብቱ እብ ምጅተመዕ ወሕኩመት እግል ተህሌ እግሎም ለሳልፈይት ወራት እግል ትግበእ ለበ እት ገብእ።

እት ደሞም እለ ሻይረስ እለ ለትረከበ ሽባን ህዩ፡ እንዴ አትናየትናሆም ዕምር ለልአትራይም ሰራይ እግል ልንሰኡ እብሊ ህዩ እት መሕበር እንዴ ትክምከመው ሀለዮት ወአተላለዮት ምጅተምየም እግል ለአክዶ እግል ንሕቀፎም ወንሰደዮም ዋጅብናቲ። እግልሚ ህቶም ክም ክትፈትነ ወሕነ ክም ክትፈቶም አድሕድ ጸበጥነ ምንገብእ ሌጣቱ እለ ሻይረስ እለ እንዴ ዳፍዐነ ልትሐዜ ለህለ ሀደፍ እዲነ ሰነት 2030 እግል ንብጸሕ ለእንቀድር።

ከእለ ታመት ሽዕር ሕላየት ፈናን ሰሌማን አሕመድ እግል እለ መውዶዕ እለ ለትረሽድ እት እንተ ሰበት ረከብናህ፡ እበ ጽበጠ እግል ንትሳራሕ ምንኩም።

እንታ ሻብ ወእንቲ ሻበት ሐቱ ወሕቼ እምበል ጀአሎት እዝን ክረው እዩ እብ ምር ምሮት
እለ ዘበን ዐውለመት ወዐቦት ገሮብ ደቂብ ለሐዜ ወክሀሎት ሽንሀትኩም ምራድኩም እብ ደክሎት
እግልሚ ትፈትሕዉ ወቀይ ምህሮት
እንተ ሻብ እንተ ወእንቲ ሻበት
እንተ ላብብ እንተ ወእንቲ ላበት
እግልሚ ትትቀሽሾ እብ ሐለት ሽበት
አድሕድ ትሸንሆ እግል ንክበት
እግልሚ ፋይሐት ተሐድጎ ተሐዙ ጨበት
ደያነት እለ ገቢል ወሰዋልፋ ጅመዕ ቀደም ህዳይ ምን ካልፋ
ዕምር ሽበት እብ ዐቅል ንኣልፋ
እግልሚ እሉ ትካይዶ ከትሻሩፋ
አዳም ከሀላት ወደ ወትዐጸመ ነብረ ዲብ ልርእየ ምና ጼማ ነብረ ሐላፊተ ኢኮን ሴማ ኢንገንግእ አፍያት ቀደም ሐማ
ሐራም እንዴ ትበህለ ለትሐረማ ክሉ መልትነሰእ ሳማ ጠዐመ ግርም ምንዲ ትሰእን ለትገርማ እግል ትትሐረም በ ትግበእ ይማ
ህዳይ አስክ ገብእ እብ ገበይ ሐላል
ነፍስ እግል ትጸበጥ እተ ዕዳል እግል ትፍገሩ በ ለሃርእ ቅራር
ነጎት ምን ሞፍአት እብ ዕንቅዕራር
እግልሚ ቱ ኢትሐሰቦ እግል መስተቅበልኩም
እግል ርሕኩም ግብእ ምወጠንኩም
ህተ ሐቆ ወዴት ሞለቅ ጅማዕ ወህቱ ሐቆ ሰኣነ ዐቅል ስማዕ ወዴብ ሐቆ ኢቤለው ዲብ ምጅተመዕ
ህንክ እለ ዕማም እቡ ትነፈዕ ህተ መንደላይት ዓዳት ወጠን ወህቱ መንደላይ ሐጡር ከደን እግል ትፈክር በ ወእግል ትፍጠን
ልዉቃም ልንበርም በደል ሐዘን
እንተ ሻብ እንተ ወእንቲ ሻበት እንተ ላብብ እንተ ወእንቲ ላበት
እንቲ ሻነት ሕቼ ወእንተ ሻንን ሐቱ እግልኩም ፊና ብዩ መቀድመት ገቢል ወመስተቅበል ነቢር እንትምቱ ሽባብ ሐሪር እብ መስኡልየት ሽዐር እግል ዲማ ንበር ሽበት እለ ከሀሉ ሞለቅ ጅመዕ ሰረር

ነፍሰክ እበ ትወለድክ እቱ ወሬሕ አምረ

ለገብአ ነፈር ዲብ እለ እዲነ ምን ብዕዳም ለልትፈንቴ እቡ ጠባዬዕ ወሽክሰየት ፍርግት ቡ። ከእለ ሕቡልክት ሽክሰየት እለ እብ ቀሎ-ቀሎ እግል ነኣምረ ወንፈርገ ለልትቀደር ጋር ኢኮን። ምናተ ለነፈር ለትወለደ እቱ ወሬሕ ዶል ነኣምር፡ ገሌ ምነ ናዩ ጠባዬዕ እግል ንፈርግ እንቀድር። ከእለ ተሌ ሐብሬ እንዴ ርኡኑ ክል ምኒን ምነ እቱ ትወለደ ወሬሕ እንዴ ትበገስኑ። ሚ ጠባዬዕ ክም ቡ እግል ነኣምር ንጀራርብ።

እት ወሬሕ ያናይር ለትወለደው አንፋር፣ እብ መትፋዋል (ፋል ሰኔት) ልትአመር፣ ወእት መጻግሞም ብሹላም ቶም። ዕልም ፈቱ፣ ክል ዶል ብዕዳም ሚ ክም መሰሎ ወለደዲፍ ጃንቦም እስዉ ክምቱ ለአቀምቶ። አትዐገቦት ፈቱ፣ ዓቅላም፣ ዕጹማም ወመፍርየት ቶም። ንዛም ወተርቲብ ሰበት ፈቱ፣ ወእተ ክምሰልሁ ሐሳሲን ሰበት ቶም፣ ላመ ፍክሮም ፋዬሕ ቱ። እት ብዕዳም ለውቀት ለዘርኦ እበ ገበይ አክል ሕድ ለፈርገ ኣንፋር ቶም። ድቁጣት ኢበዘሐ እቶም ምን ገብእ፡ አውመ ለቀዋቅሎም ኢረክበው ምን ገብእ፡ ሰኔ ራውጋም ቶም። ለሽክሰየቶም ዝያደት ክም ዓቅቦት (ሙሓፍዚን) መሰሎ። ባሎም ሓድር ቱ፣ ሮማንሰዩን (ሰብ ሻማት ቶም)፣ ምናተ ሻማቶም እግለ በዐል ሻሞም እግል ለሓኩ ላተ ገሌ መታክል ሳድፎም። አጀኒት ፈቱ፣ ወዲብ እለ ወሬሕ እለ ለትወለደው አንፋር ሰብ ሸፍር ቶም፣ በህለት ለወቅቶም እት አብያቶም ወእት ሸፍሮም እግል ለሓላፋ ፈቱ። ሰብ መሰንዮት አማን፣ ወለእለ ቦም እጅትማዓይት ቅድረት እግል ልጠውሮ ሸንሀት ለቦም፣ እብ መቅደን ለልሽዕር፣ ምናተ ምን ሳክት ሳክት ለኢልትበገሶ አንፋር ቶም።

እት ወሬሕ ራብራይር ለትወለደው አንፋር፣ አፍካሮም ሳፊ ቱ። አማን ፈቱ ወምሳልዩን ቶም። ሰኔ ዓቅላም ወሰብ መዋህብ ቶም። ሽክሰየቶም ትትበደል ወትትቀያየር፣ ክመ ናይ ኖሶም ጠቢዐት ልትሰረፎ፣ ሃድኣም፣ ከጃልያም፣ ወምን ክብር ነጃ፣ እት ምራዶም እግል ልብጾሐ ዐባይ ሸንሀት ወበታከት ለመልኮ፣ ሕርየት ለፈቱ፣ ሰእየት ለኢበትኮ፣ ሕልሞም ወመሳኢቶም እት አማን ለተንከብ፣ ምን ቅያሰ ወለዐል ዓቅላም ወደኣል ወትልህዩ ለፈቱ አንፋር ቶም።

እት ወሬሕ ማርስ ለትወለደው፣ ፍቲት ወሐኒነት ላተ ሸክሰየት ቦም። ከጃልያም ወዓቅቦት (Conservative)፣ ጸጋያም ወረሒማም ቶም። ሰላም ወመሰከብት ፈቱ። ሰኔ ሓሳሲን ቶም። እግል ብዕዳም ክድመት እግል ልቀድሞ ፈቱ፣ ወእብ ቀሊል ኢልትቀጸቦ። ሰብ አማንት ቶም። ምሐምደት ቶም ወሰኔት እብ ሰኔት እግል ልብሎሰ ፈቱ። ፈዳብያይም

መተቅብለት ሰበት ቶም፣ ተቅዩም ብዕዳም ፈቱ። መቅሰነት መርባት ቶም። መደእለት ወመትሰሕቀት ቶም። ሓላም ፈቱ ወደለ እለ ልትካዩሎ ክለ ሰኔ ረሓብ ወቁሪት ተ። ሰፈር ወክሊስ ምን አካን እት አካን ፈቱ።

እት ወሬሕ አብሪል ለትወለደው አንፋር፣ እትሊ ወሬሕ እለ ለትወለደው አንፋር ቀልቦም ሓድር ቱ። እጅትማዕያም ወሰኔ ፈታያም አዳም ቶም። ምሰለ ገብአ ተዩልል እብ ቀላል እግል ልትመሳከው ቅድረት ለቦም፣ ጀሪኢን ወዐሰብዩን፣ ወእዴሆም እግል አውሃም ኢለሀይቦ። ወክል ዶል ዛይደት እዴ እት ኢኮን ተናዝላት ኢለአምር፣ እብ መንዘር ነፍሶም ወበለሊቶም ለልትሐሰሮ በህለት “እናቀት” ፈቱ ወሻማት ሕርየት ቦም ወገጽ ቀደም ሌጠ ልብሎ፣ ምናተ ክልዶል ርቡሻም ቶም።

እት ወሬሕ ማዮ ለትወለደው አንፋር፣ እሎም አንፋር እሎም እበ ፍንቱይ ጠባይያም ልትፈረን፣ ህቶም ልዉቃም፣ ወመትፌውለት፣ ሐኒናም፣ ወሰዳይት እግል ክሉ ለለሀይቦ፣ እንዴ አፊመው ለለአቀምቶ፣ ንዘማም፣ ለልትሓየስ ወሚህዛይ ላቱ አፍካር ለቦም፣ ተቅዩር ለፈቱ፣ ትርድት ፈቃዲት (ዛክረት) ለቦም፣ ወእት መጃል ዐመል ለሐሰለ ጋራት እት እዴሆም እግል ለአውዕሎ ውቅልት መቅደረት ለቦም አንፋር ቶም።

እት ሸሀር ዩንዮ ለትወለደው፣ እትሊ ወሬሕ እለ ለትወለደው አንፋር ሰብ በክት ሰኔ ቶም። እግል ጠቢዐት ወእግል ፍኩን እብ ዓመተን ለፈቱ፣ እብ አልባቦም እንዴ ኢገብእ እብ ዕቁሎም ለፈቱ፣ እት ማል ብዘከ ዐሽም ልቦም፣ ወባርህ ገጽ ለኢልትፈንተዮም፣ ብዘከ መናግእት ለልትከሰት እሎም፣ ምናተ ብዘከ ለከሰሮ ቶም። ህግያሆም ለዘት ወጠምጠም በ ወሻም ሔዋናት ዐድ ለቦም አንፋር ቶም።

እት ወሬሕ ዩልዮ ለትወለደው፣ እሎም አንፋር እሎም፣ ክል ዶል ሰብ ፋል ሰኔት፣ ቆሎም ሳብት፣ ከጃልያም፣ እዱባም፣ ጸጎቶም ሕዱድ ለአለቡ፣ መትካይለት፣ ዕጹማም፣ ዐሰብዩን፣ እት ክሉ ጋራቶም እት ርሐም ለለአተንክቦ ወእት ዓፍዮቶም ብዘከ ሕሰር ለአለቦም አንፋር ቶም።

እት ወሬሕ አጎስት ለትወለደው፣ እትሊ ወሬሕ እለ ለትወለደው አንፋር፣ ሰፋቶም ፍንቱይ ሰበት ቱ፣ ህቶም እብ ቀሎ-ቀሎ ለለአስተሰልሞ መኢዴሆም ለለሀይቦ፣ ፈተች ኪር፣ ሐሳሲን፣ ሰብ ሂበት፣ እበ ምሰለ እትለ ባኮቶም ለሀለ አዳም ለወዱ ወ መጃመለት ብዘከ አዳም ለፈትዮም፣ ወእብ መዝሀር ነፍሶም ወለበብሶም ለልትአየሶ አንፋር ቶም።

እት ወሬሕ ሰብተምበር ለትወለደው፣ እትሊ ሸሀር እለ ለትወለደው ምን ቅያሰ ወለዐል

ከጃልያም፣ ሰብ አደብ ሰኔ፣ ሰብ ፈዳብ ዐቅል፣ ሃድኣም ወእት ተሰሩፋቶም ዓቅቦት፣ ለቢባም፣ ሰብ እክላሲ፣ እብ መዝሀርም ወለበብሶም ለልት አየሶ፣ ሐሰት ለኢፈቱ፣ ንዘማም ወደለ እለ ወዱ ብሹላም ላቶም አንፋር ቶም።

10 - እት ወሬሕ አክቶበር ለትወለደው፣ እትሊ ወሬሕ እለ ለትወለደው አንፋር፣ ሰኔ ዓቅላም፣ ፈተች ዕልም፣ ቅዉታም፣ ዐኒዳም፣ እግለ ሳድፎም መታክል ለዋጅሆ፣ እግል ልምለኮ ለፈቱ፣ ጠባይያም አክል ሕድ እግል ልትአመር ለኢልትቀደር፣ ደማንት ነፍሰ ለቦም፣ እት ናይ ብሕተ ሐያቶም ለገብአ ልግበእ መትኣታይ ለኢልትከቦ አንፋር ቶም።

እት ወሬሕ ኖሽምበር ለትወለደው አንፋር፣ እሎም አንፋር እሎም፣ ሰብ ትርድት እራደት፣ ሐር ወእት ነፍሶም ለተንከበው፣ ሰብ ሕያይ ልብ፣ ናይ ዓይለት መንበረት ለፈቱ፣ ርያድዩን፣ ሴድዩት፣ ምክልሲን፣ ጀላብ ብዕዳም ቤዘ ለገቦኡ፣ ሰፈር ወአንገዋጋይ ለፈቱ፣ ማሎም ምን በደ ለኢልምሕኮ ለመሰሎ አንፋር ቶም።

እት ወሬሕ ዲሰምበር ለትወለደው፣ እትሊ ወሬሕ እለ ለትወለደው አንፋር፣ ሰብ ትርድት እራደት፣ ለገብአ ድቁጣት እግል ልትሐመሎ ለቀድሮ፣ ሰብ ሰብር ወከሃላት፣ ወምን ቅያሰ ወለዐል ሓሳሲን፣ ልዉቃም፣ ሐሰት ለኢፈቱ፣ መትባጣር (ተሐዲ) መቁምረት (ብቀት ትፈግር እትዩ ለኢልብሎ)፣ ቅዱናም፣ ምን ክብር ነጀ ላቶም አንፋር ቶም።

በህል

እሙራም

-ሐት ሐቱ ዶል እግል ነኣክተልፍ ለአትሐዜነ.. እለ ህዬ ብዕዳም እት ከብዶም ሚ ዓቅራም ክም ህለው እግል ነኣምር ሰዲነ.. ምን አመረ እት ልብክ ለይዐለ ለለአትፈክር ዐጃይብ ትርኡ ወትሰሚዕ ምናም..አውመ ልብ ፈትዩ ሰበት ትርኡ ዲቦም ትብ ሕሽመት ረኣሰክ ክም ተአደንን እሎም ትገብእ። “ውልያም ሸክሰፒር”

- እግል ትርኡ እት በርሀት ሌጠ እግል ተሀሌ ካፊ ኢኮን፣ እት በረሀት እግል ትርኡዩ ለትቀድር ጋር እግል ለሀሌ ለአትሐዜነ። “ዓባስ ማሕሙድ አልዐቃድ” - ብዕዳም ዶል ለእለ ፈቅዱከ ተ ገጸም ፈርሐት ወበርሀት ለትትዘረእ እቱ ነፈር ዶል ትገብእ። ምን እለ ትትፈደል ሐቱመ አለቡ። “ማርክ ትወደን”

ተበሰም

ብእሰ ተኣከረ ምን። ህተ ህዬ እግል እመ፣ እለ እናስ እሲት ብዕደት ሃዲ እትዬ እግል ኢለሀሌ ፋርሀት ህሌኮ ቲለተ። እመ ህዬ፣ እዘነ ቆጩብኩ፣ ትፍ ቤሉ ክምሰልሁ ኢቲበለ፣ ኬር ትዋፈሊ ገደ እምኪቱ...ምን አመረ የምክን ሐደስ ዎርት ገብእ ሳደፈየ!! ቲለተ።

በህል

- ሀ'መት ለአለቡ ነፈር ይህለ፣ ምናተ እለ እዲነ ዘዋሊት ክምተ ለፈቅድ ከገዱ ለለአበሬህ ሀለ።
- ከዋክብ እት ወቅት ጽልመት ሌጣ ቱ እግል ልትረኡ ለቀድር። አክል ሕድ እተ ክምሰልሁ ላቶም አንፋር ህለው፣ ህቶም እት ዶል ሸደት ወክርበት ቱ ለእንፈርጎም።
- ዓይለት ለቡ ነፈር፣ እምበል ሸክ ህቱ ለኢትትወሐ ዝሕረት ለቡ ነፈር ቱ።
- ዐውቱ ክልኤ እዴክ እት ጂብክ እንዴ ሉሸክ እግል ትፍገሩ ለኢትቀድር ስልም ተ።

ዝበድ

ዘያታት

እግለ ሀ'መት ጽዕንቱ ለህሌት..ሀመት ደዋም አለበ በሉ..ከመ ለውቀት ለትፈንዩ.. ሀመትመ እተ ክምሰልሁ ገጸ ፈና ቱ።

መዕሉመት

- እት ቀበት ክልኦት ብልዮን ነፈር፣ ዎርት ነፈር ሌጣ ቱ ምን እሎም ክሎም አስክ ዕምር 116 ሰነት አውመ ምኑ ወለዐል እግል ልንበር ለቀድር።

A white motorboat with a red stripe and the number 17 on its side is moving across the water. The boat has a cabin and a small mast. The water is dark blue with white foam from the boat's wake. The sky is clear and blue.


A photograph of a steam locomotive pulling a train through a desert landscape. The locomotive is emitting a large plume of dark smoke. The train is passing through a series of arches, possibly a bridge or a tunnel. In the foreground, a large, gnarled tree with green leaves frames the left side of the image. The ground is dry and sandy, with some small bushes and a dead animal in the foreground. The sky is clear and blue. The image is credited to Bernd Seiler, Eritrea 12/2012, www.FarRail.com.

A group of seven men are riding camels in a desert landscape. The men are dressed in traditional white clothing, and the camels are standing in a line. The background shows a vast, open desert with some low-lying vegetation and distant hills under a clear sky.

A photograph of a long, arched aqueduct in a dry, dusty landscape. A large tree branch hangs from the top of the frame. In the background, there are hills and a small building with smoke rising from it.

A black and white photograph of the archaeological site of Caral. In the foreground, there are several wide, stepped stone terraces. Behind them, a row of circular stone buildings with conical roofs is visible. Some of these buildings have rectangular doorways. The site is built on a hillside, and the background shows a clear sky and distant hills.

ՀԻՎՈՒՄ



ፈሪቅ ዐጀላት ሰምበል እና ጅግረ ቻይነ ደምቅ



ሳኪን ለ111.4 ኪሎ ምትር ለገልበበት እና አድብር ለገብአት ጅግራት።

እትሊ ጅግረ እሊ ህዩ መትባድራይ ፈሪቅ ዐጀላት ሰምበል ሻብ ዳዊት የማኔ እብ 17 ካልኢት እንዴ ተአከረ 3ይ ፈግር እት ህላ፡ አማንኤል ጸጋይ 4ይ፡ ሳይሞን ሙሴ 9ይ፡ ወዳንኤል ብርሄ ህዩ 14ይ እንዴ ገብአው ሰሜቶም ወሰሜት ፈሪቅም እድሙቃም ዐለው።

እት ደንገበ ለገብአ ጅግረ ወክድ፡ ሻብ ዳዊት የምኔ ሳልሳይ

ፈግር እት ህላ፡ እብ ንቀሞመ ራብዓይ ወእት ሐየት ስጋደት ለገብአ ጅግረ እቱመ እብ 24 ንቅጠት 1ይ እንዴ ፈግረ ክልኤ መዳልየት ትሰርገ። እብሊ ህዩ ፈሪቅ ሰምበል እት 18 ፍረቅ ምን ለትፈናተ ድወል ለአሻረክ እቱ ጅግራ፡ እንዴ ደምቅ ጅግራሁ እብ ዐውቱ አትመመ። እሊ ዐውቱታት እሊ እብ ለደምቀ መትጃግራይ ፈሪቅ ዐጀላት ሰምበል ሻብ ዳዊት የማኔ እትሊ አያም ቅሩብቱ ምን 2ይ ዲቪዝዮን እት 1ይ ዲቪዝዮን ለትዐደ።

ለምን 2 አስክ 4 ዲሰምበር 2017 እት ቻይነ ለትዳለ እብ ዩ.ሲ.ኣይ ናይ 2.2 ደረጃት ለቡ ጅግረ ጋንዙ እቱ ሻርክ ለአስመነ ፈሪቅ ሰምበል እብ ብሕተ ወፈሪቅ ዐውቱ ትሰርገ።

ለጅግረ ሰለሰ መርሐለት ለከምከመ እት ገብኤ፡ እት ወክድ ሰልፍ ፈሪቅ ሰምበል ለትትሐዜ ፍገሪት እግል ልሰጅል ኢቀድራ፡ እት 90 ኪሎ ምትር ሪም ለገልበበ ጅግራ፡ ሮቤል ተወልዴ እት 37ይት ደረጃት ለሰኔት ፍገሪትላ ፈሪቅ እት ገብኤ፡ ለአኬት ህዩ ለእብ ዳንኤል በርሄ እት 78ይት ደረጃት ለጸብጠ እት ዐለት፡ ለፈርግ ሳኪን ናይ ካልኢታት ወደቃይቅ ሌጣቱ።

ኤረትሮፔን መትባድራት ዐጀላት እት መጃል ዐጀላት ለህሌት እግሎም መቅደረት ለትርኤት እቱ ጅግራ

ወራታት ርያደት መድረሰት ዋርሳይ ይካኣሎ ተመ

ምን መእንበት ወርሕ ሰብተምበር እንዴ አንበተ ልተላሌ ለጸንሐ ወራታት ርያደት መድረሰት ዋርሳይ ይካሎ እት ዮም 30 ኖቨምበር ሰነት 2017 ተ'መ።

እትሊ ጅግረ እሊ እብ ኩረት እግር ውላድ ተብዕን ፈሪቅ ደንደን ሸምጥዮን ገብኤ እት ህላ፡ ፍረቅ ቢሻ ወብላክ ስታር ህዩ 2ይ ወ3ይ ፈግረው።

እብ አዋልድ አንሳት ህዩ ሻምጥዮን ለገብአ ፈሪቅ ዘረ እት ገብኤ ፍረቅ በይሉል 2ይ ወ3ይ እንዴ ገብአው አሰር ሕድ ጸብጠው። እት ኩረት ፕሊሶል ህዩ እብ ውላድ ፈሪቅ ዘረ ልትወውቶ እት ህለው፡ እብ አዋልድ አንሳት ህዩ ፈሪቅ ፈንቅል 1ይት ደረጃት ጸብጠው። እት ጅግረ አትሌቲክስ አንሳት ወተብዕን እል ለተሌ ፍገሪት ረክበው።

እት ጅግረ 100 ምትር ውላድ ተብዕን 1ይ ዮናስ ሀብቶም 2ይ አብርሃም ነጋሲ ወሳልሳይ ህዩ ይውሃንስ ጃኒ ዐለው።

ምን አዋልድ አንሳት ህዩ 1ይት ሚካል ጸገዝኣብ፡ 2ይት ኒያት ታደሴ ወ3ይት ሰምሃር አባዴ እንዴ ገአየ ክም ተዐወተዮ፡ ምን ሙሴ ኪዳነ ወኪል ውካለት አክባር ኤረትሮፕ ለረክብናህ ሐብረ ተአፍህም

ደህይ ፕሪመርሊግ ዐድ እንግሊዝ



ጅግራ ፕሪመርሊግ ዐድ እንግሊዝ እት ሐልፈተና ሳምን እት ክልኤ መርሐለት ጋብኤ ዐሎ።ለአወለይት መርሐለት እት ዮም አተላተ ወአረቡሶ ለገብአት። እትሊ ጅግራታት እሊ ህዩ ለእት ሚርሐት ለልትረክብ ፍረቅ ለበዝሐ ምኑ እንዴ ቀልባቱ እት ሰነብት እግል ልግበኤ ዱሉይ ለዐለ ጅግራታት እቱ ለትሓበረ።

እብ አሳስ እሊ ህዩ ምነ እት ዮም አተሉት 28 ኖቨምበር ለገብአ ጅግራታት ዶል እንርኤ ፈሪቅ ቶተንሃም እብ ፈሪቅ ሌሰተር ሲቲ 2 እብ 1 ልትቀለብ እት ህላ፡ ፈሪቅ ማን ዩናይትድ እግል ፈሪቅ

ሰነብት ለገብአት።

እትሊ ህዩ እት ዮም 2 ዲሰምበር ለገብአ ጅግራታት ዶል እንርኤ ፈሪቅ ማን ሲቲ እግል ፈሪቅ አርሰናል 3 እብ 1 እንዴ ደክዩ እት ሚርሐት ለህለ ፈሪቅ ማን ሲቲ እግል ልተሌ ቃድር ህላ፡ ፈሪቅ አርሰናል ህዩ እብሊ ቅልብ እሊ ሸልተፍ ልትረክብ።

ፈሪቅ ፔልሲ እግል ፈሪቅ ኒውካሰል 3 እብ1 እንዴ ቀልበ ምነ እት ሰልፍ ለህለ ፍረቅ እግል ልግበኤ አነት እድሙነ ህላ፡ እብሊ ህዩ እብ 32 ንቅጠት እት 3ይት ደረጃት ልትረክብ፡ ፈሪቅ ቶተንሃም ምስል ፈሪቅ ዋትፎር



ዋትፎር 4 እብ 2 እንዴ አድመዐዩ ትልህያሁ አትመመ።

እትሊ አምዕል እል ለተልህ ፈሪቅ ኒውካሰል ምስል ፈሪቅ ዌስት ብሮሚንግ 2 እብ 2 ልትዓደል እት ህላ፡ ፈሪቅ ክሪስታል ፓላስ ህዩ ምስል ፈሪቅ ብራይቶን ኤንድ ሆቭ 0 እብ 0 ፈግረው።

እት ዮም 29 ኖቨምበር መጅግራታት ፕሪመርሊግ እንግሊዝ እትሉሉይ ዐላ፡ እትሊ አምዕል እል ህዩ እት ሚርሐት ለልትረክብ ፈሪቅ ማንሲቲ ምስል ፈሪቅ ሳውዝዝምፕቶን እንዴ ተልህ እብ በክት ጨቢብ 2 እብ 1 እንዴ ተዐወተ ሰለሰ ንቅጠቱ ሀረሰ።ፈሪቅ ፔልሲ እግል ፈሪቅ ሰዋንሲ እብ ዎርት ጎል ልትወውት እቱ እት ህላ፡ ፈሪቅ ሊቨርፑል እግል ፈሪቅ ስቶክ ሲቲ 3 እብ 0 እንዴ ፈለዩ ምነ ቀደም እል ራክብቱ ለጸንሐት ሕው'ነ አባረ። ፈሪቅ አርሰናል እግል ፈሪቅ ሂደርስፊልድ ታውን ሐቱ ይሐድግ እቱ 5 እብ 0 እንዴ ቀልበዩ ሰለሰ ንቅጠት እንዴ ረክበ ደረጃቱ እግል ለአትሓይስ ቃድር ህላ። ፈሪቅ ቡርኔይ እግል ፈሪቅ ቦርንሞውዝ ህዩ 2 እብ1 ልትወውት እቱ እት ህላ፡ ፈሪቅ ኤቨርተንመ እግል ፈሪቅ ዌስትሃም 4 እብ 0 እንዴ አሸከተዩ ቅዱም ህላ።

ግረ እለን አምዕሉታት እለን ለገብአ ጅግረ ኩረት እግር ፕሪመርሊግ እንግሊዝ ምነ ለዐሌ እት

1 እብ 1 ሰብት ትዓደለ እግል ካልኦ ዶሉ ሰለሰ ንቅጥ ምን አሪ ሰብት ቄበ ምነ ሳልፋዮም ለሐምስ ትመልሐሙ፡ እብሊ ህዩ እብ 25 ንቅጠት እት 6ይት ደረጃት ክሩይ ህላ።

ፈሪቅ ሊቨርፑል እግል ፈሪቅ ብራይተን ኤንድ ሆቭ 5 እብ 1 ቀልቡ እት ህላ፡ ፈሪቅ ኤቨርቶን እግል ፈሪቅ ሂደርስፊልድ ታውን 2 እብ1 ፈሪቅ ሌሰተርሲቲ፡ እግል ፈሪቅ ብሩኔይ 1 እብ 0 ፈሪቅ ስቶክ ሲቲ እግል ፈሪቅ ሰዋንሲ 2 እብ 1 ወፍረቅ ዌስትብሮሚንግ ወክሪስታል ፓላስ ህዩ 0 እብ 0 ተዓደለው። እት ዮም ሰንበት ዐባይ 3 ዲሰምበር ለገብአ ትልህያታት ፍንጌ አርበዕ ፈሪቅ ዐለ ቦርንሞውዝ ወሳውዝምፕቶን 1 እብ 1 ፈግረ እት ህለው፡ ፈሪቅ ማንሲቲ እግል ፈሪቅ ዌስትሃም 2 እብ1 እንዴ ቀልበ እብ 43 ንቅጠት ሚርሐት ፕሪመርሊግ እብ ፈርግ ንቃዋ ውቁል መርሐ ልትረክብ።



ተአሂል መአህለት አትሌቲክ ልትህዩብ



ፈደሬሽ አትሌቲክስ ወጠን እግል ክልኤ ሳምን እት አስመረ ለህይቡ ለጸንሐ ምህር 1ይት ደረጃት ተአሂል መአህለት Level-1 Athletics Coaching Course እት ዮም 27 ኖቨምበር ሰነት 2017 ተ'መ።

ለእብ ፍዕል ወዝር ለተህዩበ ተአሂል እግል 24 መአህለት እት ስታድዩም አስመረ እብ ወድ ኡጋንዳ በዐል መቅደረት ተአሂል አትሌቲክስ ምፍጋር ጸሓይ አፍሪቀ (East Africa Regional Development Center) ሚስተር ጃለስ ለትህዩበ እት ገብኤ፡ ንዩት አትሌቲክስ ለዐም ዌርሰት እግል አፍሪቶት ለሰዴ እት ገብኤ፡ እትሊ መጃል እሊ ለልኦነቡቶ አትሌታት ህዩ

እግል ልትቀደም ወፍገሪት ሰኔት እግል ልርከቦ አሳስ ለከሬ እግሎም ተአሂል ክም ዐለ ስክርቴር ፈደሬሽ አትሌቲክስ ኤረትሮፕ አሰይድ ታደሴ ገብሩ ሐበረ።


እብ አሳስ ፈደሬሽ አትሌቲክስ ኤረትሮፕ ምነ እት ተአሂል ለሻረከው ለ4 ምን 24 ምሽተርክት

አንሳት ክም ዐለዩ እንዴ አከደት ለሐብሬ፡ መአህለት ለረክበው ፍገሪት ክልኦት ምኖም እት ተ'ሌ ናይ 2ይት ደረጃት (level-2) ተአሂል ክም ዐዱቶም ትወደሐ። እት ካቲማለ ተአሂል ምነ ክሰሶም ጀሃት ጀዋእዞም ትከበተው።

እሊ ክእነ እት ህላ፡ ፈደሬሽን ኩረት እግር ኤረትሮፕ ምስል ውቁል በዐል መዝ ኩረት እግር ዐለም ፊፋ እንዴ ትሳደ ለልትህዩብ ተአሂል ወቀሎት መቅደረት ገርብ እግል መደርቢን ልትህዩብ ህላ።

እሊ ለምን ዮም 4-8 ዲሰምበር ለጸንሐ ተአሂል ምነ ክሉ አቃሊም ዐድነ ለመጸው 32 መደርቢን ኩረት እግር ሻርኮ እቱ ህለው።





ለኢትዮጵያ መሳክል



“የይ ነስኡኒ ሀለው” እት ልብልቱ፡ ኦሊቨር ቶማስ ለልትብህል ጅኔታይ ናይ ርድኡኒ መውዒ ለአስመዑ። ለእግል ለአድሐኑ ምን ኦቢዮቶም ለረድአው ዋልዴኑ ወኢቃርቡ፡ እት እብ በረድ ለትግልበበ ድዋሮም እንዴ ገብአው፡ አስክ ሰመ ለዐንቀዐርሮ ዐለው።በሀለት አስክ ክርን ኦሊቨር ትትሰመዕ እቡ ለዐሉ፡ እትጃህ። እግል ሊደወ ለቀድሮ ሓጃት ይዐለት፡ እግልሚ ለኩብድ በልዕ ጽርሓት ኦሊቨር እት ለደሀር ወበዴ ጌሰ። ለሰበ ራድኢት ህዩ አስክ አስግደቶም ወጅዖም ሰመ እት ለአትቃምቶ ተርፈው።

እስረት ቶማስ ክም ክሎም ሽዑብ ዌልስ እግለ ፈጅረት እግል ለአውዑሉ ልዳለው እግሉ ለዐለው ዒድ “ሚለድ” ትዳሌ ዐለት። ሰነት 1909ቱ ለእብ ብዝሐ ልትከሬ ለዐለ በረድ እግል አድብር ዌልስ ወእግል

ክሉ ኦቢዮት ቀርዮት ብሪትን ግልበቡ ዐለ። እት ዐድ ቶማስ ህዩ፡ ቶማስ፡ እሲቱ፡ ሰለስ አጃኒቱ ወእግል ዒድ ሚላድ ምስሎም እግል ለዐይዶ ለመጸም አቃርቦም ዐለው። ለወድ 11 ሰነት ላቱ ኦሊቨር ህዩ፡ ርክን አሮት እንዴ ጸብጠ እግለ ተህዩበዩ ሸክር በለት መጋብ ዲርሆ እብ ረዋገት እት በልዕ ዐለ። ሳዐት 11 ናይ ላሊ ክም ገብአት ስድፈት አቡሁ እንዴ ትላከዩ፡ ምነ እት በረ ለዐለት ዔለ ማይ እግል ለአምጽእ ለአከዩ። ኦሊቨርመ ‘ስቲፓሎ’ ለልትብህል ናይ በረድ አስእኑ እንዴ ለብሰ እብ ሳኬሎሁ ተአዛዝ አቡሁ እት ፍዕል እግል ልተርጅም ትበገሰ። ላኪን ለግለት እለ ደአም ግለቱ ዐለት።

ኦሊቨር አስክ ከደን ክም ፈግረ፡ ሐቆ ዐስር ካልኢት ቱ ጽርሓቱ ለትሰምዑ። እት ጽርሓቱ እግል ልርድኦ ለፈግረው አንፋር ላኪን እምበለ እት

ረይም ገይሰ ለዐለ ጸርሐት ሐበት እግል ልርአው ኪቀድረው። አበ ፒተር ለልትብህል ቀሽ ምስሎም ሰበት ዐለ። ፋኑስ እንዴ ጸብጠ ምስሎም ፈግረ። ምናተ እምበለ ምን ለዐል ልሰመዕ ለዐለ ጽርሓት ኦሊቨር ስምዐት ሐቱ እግል ልርኡ ኢቀድረ። እብ በርህት ፋኑስ እንዴ ትኅፋዐው እግል ለአትኦስሮ አንበተው። ምናተ ምን አፍሉባብ አስክ እትጀህለ ዔለ 11 ሽብር ሐቆ ጌሰ ለአሰር ትካረመ። ላመ ማይ እግል ለአምጽእ እቱ ናስኡ ለዐለ ሰኬሎ እት ደዋይሕ ዋድቅ ጸንሐዮም። ምን እሊ ወኬን ብዕድ አሰር እግል ልርከዮ ኢቀድረው።

ሐቆ ሳዐት ለእስረት በደል ፈርሐት እት ሐዘን ወፈርህት ትቀየረት። ቀሽ ፒተር ህዩ እት እለ ህለ ሰላም እግል ልርከብ ደዐ ወደ እግሎም። ፈጅራተ ፖሊስ መዲነት ራይዳር እት አካን እንዴ መጽአው፡ እት ድዋራት ቤት ወቀብተ ዔለ ሐቆ ፈተሸው፡ እሊ ለተሌ ተቅሪር ከትበው።

“እግል ሰለስ ዮም ለአተላለ ተፍቲሽ ወበሐስ ወዴኑ ዶለ ሓድስ ሓድራም ለዐው 12 ነፈርመ እብ ድግማን ትሰኣልናሆም። ክሎም ህዩ ክርንለ ጅነ ምን ለዐል ትሰመዮ ክም ዐለው ሸህደው፡ አግዋር ቶማስመ ክሎም ክርን ኦሊቨር ምን ሰመ ትሰመዕ ክም ዐለት ሐበረውኑ። እትክምሰልሁመ ለምሴት ለህ ሓለት ጀው እኩይ ሰበት ዐለ፡ ለልትሐረክ ጥያራት ይዐለ። እምበልሁመ እት ምሴት ለህ ለገብኦ መደላት አው ህምቡባት እት ሰመ ሕሩክ ክም ኢኮን አከድነ ህሌኑ። ከባደትለ ጅነ 62 ክ.ግ ሰበት ቱ አዩ ሰፊራይ እግል ለአሀርሱ ሰበት ኢቀድር፡ እብ ለኢደሌት ሐለት አስክ ሰመ ሰሐብ ክም ህለ እክለሳም ህሌኑ።” ለልብልቱ ለተቅሪር።

ለእት በረድ አስክ ሰለስ ዮም ለጸንሐ አሰር ኦሊቨር፡ እት ኣክር እበ እብ ትሉሉይ ልትከሬ ለዐለ በረድ በደ። ምስል ሪም ወቅት ህዩ ዋልዴኑ ሰአየት እት በትኮ መጽአው።

ኦሊቨር ቶማስ ሐቆለ ምሴት እግል ዲመ ይአቅበለ። ለመስኦለት ኢትፈትሐት።

ቅርኦ ወተዐጀቦ

እት ሐልፈ ኢዮም መስር እግል ኮንጎ እንዴ ቀልበት፡ ሐቆ 27 ሰነት እት እት ሩሰዩ ለገብኦ ካስ ዐለም 2018 ክም ሐልፈት አከደት መተልህዮይለ ፈሪቅ ላቱ መሐመድ ሰላሕ ክልኦት ጎል ሰበት ሰጀለ እት ዐውቱ ተረቱ ሰኒ ዐባይ ዐለት።

እግል መተልህዮት ወጠንዮይ ፈሪቅ መስር እብ ዓመት እግል መሐመድ ሰላሕ እብ ፍንቱይ እብ ደውለቶም ፍንቱይ ከብቱ ፍርስነት ወሕሽመት ገብኦ እግሎም።

እት መዲነት ካይሮ ለልትረኩብ በዐል ሐምስ ኮኩብ ላቱ መዋዕም፡ እግል ሐምስ መተልህዮይ እንዴ ቤሉ፡ እት ኩለን ጀራይድ መስር፡ “ለገብኦ መሐመድ ሰላሕ ለልትብህል መዋዋን እግል ሳምን እብ ብላሽ ጸብሕ እግል ነህብቱ” ለልብል አክባር ሐቆለ ነሽረ፡ ክሎም ሰምም መሐመድ ሰላሕ ለልትብህሎ መዋዋኒን አስክ መዋዕም እግል ልውሐዞ አንበተው። ምሮት ምነ ጅንሰዮቶም እንዴ አርአው ነብረ በልዮ ለዐለው ወድሻርዕ ላቱ ነፈር፡ “እትሊ ለመስል መዋዕም እግል እብለዕ ወለ እብ ሕልም ርኢሁ ይኣኑ፡ ዕምር እግል ፋርስ መሐመድሰላሕ ለህብ” እት ልብል ፈርሐቱ ሸርሐ። አስክ ለሳምን ተምም ህዩ እት መዋዕም እግል ልብለዕ ክምቱ አከደ።

ቅሶት ሱረት

አንጀሊተ ፐለግራኒ ለትብህል ወለት ኢጣልዮ እም፡ እት ሰነት 19 ክምሰል ሞተት፡ እት ስምዋለ ቀደም ክልኤ ሰነት እብ ሓደስ መኪነት ማይት ለዐለ ወልደ እግል ልቅቦረ ፋኒት ሰበት ዐለት ክመ ፊናህ ስምዋ ወልደ ቀብረው። ለአቅብር ሐቆ 60 ሰነት ክም ተሐንፈለ ለእም ወለ ወልደ ሀይከሎም እንዴ ተሓቀፈው ጸንሐው። ለሀይከላቶምቱ ለትሐረክ መኣዳም ወደዩ ለምስጢር አስክ አዜ እመር ይህለ።



ፍንቲት ሰወር ርኩብ

Find the ten differences between the two pictures.

